


- Stua i paia na pablik i redi long stil - p2
- Yagama na Yama go kalabus - p6
- Pik i stretim pasin kastom - p24



# Palamen bai senism lo ..long rausim rait bilong ol Asailam Sika



Foren Afeas minista bilong PNG na Australia, Rimbink Pato na Julie Bishop i tokaut long ol toktok i kamap namel long Bishop na ol gavman lida long kantri. Bishop i amamas long wok bilong Asailam Sika long Manus na tok Australia bai mekim isi long PNG i kisim visa. Bishop bai go long Lae long tude na bungim Australia AFP polis. Tupela gavman i toktok long strongim wok bisnis na groim ikonimi bilong tupela kantri.

Poto: Nicky Bernard

## Stanley Nondol i raitim

O'NEILL gavman i lukluk long yusim strong bilong ol memba bilong en long senisim seksen bilong konstitusen long taim Palamen i bung neks wik. Dispela senis long seksen bilong konstitusen bai strongim agrimen bilong PNG na Australia long kisim ol asailam sika na putim long Manus rijonal prosing senta.

Foren Afeas Minista Rimbink Pato i tok bilong sensim konstitusen long asailum sika i stap pinis long palamen na i kisim namba sapot pinis.

Em i tok palamen bai vot long kamapim senis long mama lo long banisim agrimen bilong PNG na Australia gavman.

Minista Pato i mekim dispela toktok long ai bilong Foren Minista bilong Australia, Julie Bishop long Mosbi long Trinde. Mis Bishop i kam raun inap tupela de.

Minista Pato i mekim dispela toktok taim ol nius lain i askim em na Mis Bishop olsem suprim kot i givim tok orait long dispela hevi bai go het long kot anitim long humen raits lo.

**Moa stori long pes 2...**

## K10.2m fri edukesen mani bilong Enga go long Enga provinsal gavman

### Kolopu Waima i raitim

SKUL fi mani bilong olgeta skul long Enga provins bai go long provinsal gavman na i no long ol bank we skul akaun bilong ol skul.

Seketeri bilong edukesen Michael Tapo i bin tokaut long dispela long midia konfrens long Mande.

Em i tok dipatmen i bin givim K10.2 milien go long provinsal gavman na provinsal gavman bai givim aut long ol skul i stap long provins.

Dokta Tapo i tok dispela i bin kamap bihain long Dipatmen bilong Edukesen na Enga provinsal gavman i sainim wanpela Memorandum ov Andastending (MoU).

Dispela MoU em bilong yusim Enga provins olsem wanpela provins we ol wokman long provins i ken laukautim gut na yusim fri edukesen mani.

Ol provins i save long ol skul i stap long wanwan distrik bilong ol naol i traim dispela long provins bikos sistem bilong edukesen i orait.

Sapos em i wok gut, bai ol i putim go long ol narapela provins.

Dokta Tapo i tok dispela MoU i bin go long gavman na gavman i tok orait long dipatmen i ken traim dispela rot. Bihain em i go long nesenel gavman na gavman i tok orait.

Em i tok dispela i disisen bilong Enga provinsal gavman yet. Ol i askim gavman long bihainim dispela rot bikos ol i gat gutpela sistem i stap pinis long provins we em bai isi long ol bai lukautim-mani.

Em i tok moa olsem, gavman i tok orait long dispela tu bikos Engai save mekim gut long Edukesen.



## DIRECT FLIGHTS RABAU TO CAIRNS!

With connections to and from Kavieng and Hoskins

**OUR SCHEDULE**  
 MON PX032 RAB-CNS 08:20 11:20  
 PX031 CNS-RAB 11:50 14:50  
 FRI PX032 RAB-CNS 08:10 11:10  
 PX031 CNS-RAB 12:30 15:30

Call Toll Free on **180 3444** or contact your nearest Air Niugini Travel Centre or Travel Agent for further details.

 **Air Niugini**  
[www.airniugini.com.pg](http://www.airniugini.com.pg)

# Stua paia na pablik i redi long stil

Isaac Liri i raitim

Taim yu harim hap tok ya olsem Papua Niugini em i Land of the Unexpected, bai yu save olsem dispela em i tru, long wanem, bai yu lukim kain kain samting i kamap insait long Papua Niugini we i no save kamap long ol arapela kantri.

Wanpela samting we i save kamap long Papua Niugini, em taim wanpela stua i paia o wanpela kar

wantaim ol kago i kap-sait, ol manmeri i no inap bisi long bagarap we i kamap, tasol ol bai bisi long stilim ol kago na ranawe i go.

Long las wik Sarere taim Pelgens Holsel na Datec bilding long Lae i paia, planti lain pablik i sanap klostu na redi long go stilim ol kago.

Taim paia i lait yet, ol manmeri i no bisi long kisim bagarap, na sampela i bin laik ran go insait long bilding na kisim

kago. Ol polis na sampela sekyuriti i bin kamap hariap na raunim ol manmeri husat i bin laik stilim ol Kago.

Wok painimaut i kamap nau, na stori long as bilong paia i no kamap stret yet, tasol sampela polis i tok olsem ilektrik pawa i kamapim dispela paia.

Ol manmeri husat i save stap long Kamkumung long Lae, i bin tokaut long Fesbuk



Polis man i sanap wantaim gan long stopim pablik long stilim kago long Pelgens long Lae.

olsem ol i bin kisim planti sosis na lem fleps long Pelgens Holsel. Ol i tok ol i bin kisim bipo

long ol polis i kam. Ol manmeri husat i stilim ol dispela sosis na lem fleps i mekim bikpela profit nau taim ol i kukim na salim gen long ol arapela manmeri.

## Australia helpim wok bilong lo na jastis

Kolopu Waima i raitim

AUSTRALIA i wok long sapotim Papua Niugini (PNG) long Lo na Jastis aninit long patnasip bilong developmen program.

Australia i sapotim olgeta PNG Lo na Jastis ejensi, kot, wok bilong ol woda, ombusman-Komisin, Dipatmen bilong Jastis na Atoni-Jeneral na Opis bilong Pablik Prosekuta na Pablik Solisita.

Toktok i kam long Australia Hai

Komiseni tok narapela wok bung em ol Australia Polis i kam wok wantaim ol poro bilong ol long Royal Papua Niugini Konstabuleri (RPNGC).

Australia i sapotim PNG wantaim 73 polis.

Long dispela, 11-pela sapot opisa, 49 i stap long Mosbi na 13 i stap long Lae.

Ol i wok klostu wantaim RPNGC long mekim gut wok bilong lo na oda long ol dispela eria olsem;

- Pablik Sefti
- Stesen menesmen na supavaisa
- Komyuniti wok
- Wok bilong Trafik
- Wok painimaut na
- Seksuelofens

Oli no kisim spes bilong wok bilong RPNGC, olsem polisi, o bilong arestim man husat i brukim lo. Em ol dispela pawa i stap yet wantaim RPNGC.

Polis i stap long Mosbi i wok long Boroko Polis Stesen naoli

go aut long ol senta insait long siti. Ol i wokbung wantaim ol PNG polis long wokabaut patrol, kar patrol, na go raun long ol maket na ol narapela pablik ples.

Ol polis stap long Lae i stap bes long Lae Metropolitan Polis Stesin na mekim wankain wok.

Sapot bilong Australia Polis em long givim moa strong long Papua Niugini Polis namekim gut wok long pipel bilong Papua Niugini.

## Palamen bai senism lo...

I kam long pes 1

Faipwela jas long suprim las wik i tok orait long eplikesen bilong Oposisen lida Belden husat i salensim agrimen bilong Australia na PNG gavman bai go het long kot harim aninit seksen 57 bilong Humen Raits na seksen 42 bilong konstitusen.

Palamen bai sindaun long Februari 11 na Kot i harim toktok bilong Manus asailam sika tu bai kamap long Frbruari 11.

Minista Pato i tok gavman i kisim dispela senis bilong lo i go long palamne long banisim agrimen long no ken i go long kot na

promotim gutpela pren namel long tupela kantri.

Australia Foren Minista Julie Bishop i tok em bai i no inap mekim wanpela toktok long dispela hevi stap long kot. Tasol Mis Bisop i tok Australia gavman i amamas long PNG i tok orait na kisim ol asailam sika na Australia gavman bai sapotim PNG long ol wok developmen long Manus na PNG.

I gat ripot olsem ples bilong lukautim ol dispela asailam sika long Manus i no gutpela. I gat ripot tu olsem ol kampani bilong

Australia i kisim ol bikpela kontrak na ol 55, 000 pipel bilong Manus i no kisim ol sevis i stap long agrimen bilong Australia na PNG.

Mis Bishop i tok PNG gavman na ol ligel sistem bilong kantri bai lukluk long ol hevi bilong Manus. Em i tok Australia bai lukluk long ol dispela hevi i no ken abrusim agrimen.

Wankain taim Oposen lida Belden Namah i tok agrimen namel long PNG na Australia gavman long putim asailam sika long Manus i no stret aninit long konstitusen bilong kantri na lo

bilong humen raits.

Mista Namah i tok em i amamas long suprim long luksave long as bilong komplem em i putim na tok gutpela disisen bai kamap long gutpela bilong kantri na long wol aninit long lo bilong humen raits.

Mista Namah i tok em i no bilip gavman i gat namba long senism lo long stretim asua bilong em long sainim agrimen wantaim Australia.

Em tok em i gat rispek long kot na bai em i wanbel long disisen bilong kot.

## PNG na Australia strongim pren

Stanley Nondol i raitim

AUSTRALIA na PNG gavman i lukluk long wok bung long strongim pren long wok bisnis bai kamap strong namel long ol planti wok developmen tupela kantri i wanbel long mekim.

Australia Foren Minista Julie Bishop i kam long kantri na i toktok wantaim Praim Minista Peter O'Neill, Foren Afes Minista Rimbink Pato long asde Februari 5 long strongim planti wok namel long tupela gavman.

Mis Bishop i tok tupela kantri i gat gutpela pren long bipo na i wok klostu long planti eria bilong developmen.

Mis Bishop i tok kam bilong em long kantri em long strongim bisnis pren na wok bung long strongim wok bisnis namel long tupela kantri.

Namel long ol toktok namel long Mis Bishop, Mista O'Neill na Mista Pato na ol arapela lida long gavman em;

●Tupela gavman i tokotk strong long sapotim Fiji long kam bek long komonwelt na holim ileksen

●Mis Bishop i tok bikpela tokotk long dispela bung em long Australia bai het na helpim PNG long ol eria bilong developmen we em i wok long ol yia i kam.

●Australia gavman bai mekim isi long PNG i ken kisim visa long taim.

Miss Bishop i tok dispela tokotk bilong kisim PNG bai go kisim visa long ples balus long Australia i ken kamapim sampela hevi olsem sapos ol pepa wok i no orait bai hat long kisim. Em tok Australia bai mekim isi long PNGi kisim visa.

●Wok bilong Australia Federel Polis long helpim PNG polis long wok bilong lo na oda.

### Polis Ripot

Opis bilong Deputi Polis Komisina i tokaut long sikispela trabel i bin kamap. Tripela i kamap long Nesenel Kapital Distrik, wanpela i kamap long Is Nu Briten provins na tupela long Morobe provins. Ol polis i arestim wanpela man pinis long ol

dispela trabel.

**NCD/Sentral** : Foapela raskol i hensapim wanpela man long gan ol yet i wokim na kisim kar bilong em. Dispela trabel i bin kamap long Gerehu stage 3 long mun Januəri. George Lau i tok em i draivkam aut long haus bilong em long Gerehuna foapela raskol i makim em long gan na kisim kar bilong em. Em i tok kar bilong em, i waitpela, Toyota Harrier Stesin Wagon, namba BED 221. Mani

mak bilong dispela kar em K48, 000. Ol polis i mekim wok painimaut yet.

**NCD/Sentral**: Samting olsem 8-pela raskol i yusim wanpela bikpela gannahansapim Pennie Agrua na kisim deliveri kar bilong Brain Bell kampani wantaim ol kago. Dispela kar em wanpela waitpela Daina namba bilong en BDM 853. Dispela trabel i bin kamap long 4 Mile long las mun. Ol i ripot long polis tasol polis i no

kisim wanpela man yet. Wok painimaut i go het.

**NCD/Sentral**: Wanpela meri Sentral i karim karim kar bilong em na go lusim wanpela wanwok bilong em long Korobosea na foapela raskol i hansapim em long pistol na gan. Ol i kisim Mitsubishi Pajero, i gat dak blu kalanamba bilong kar em CAZ 367. Em i ripot long polis, tasol polis i no kisim wanpela man yet. Ol wok painimaut i go het.

**Is Nu Briten**: Tupela marit i krosna man i kisim wanpela longpela bus naip na katim han kais bilong meri bilong em. Meri ya kisim bikpela bagarap na bun bilong em tu i bruk. Ol i kisim iem i go long Nonga haus sik tasol em i dai sample de bihain. Ol polis i kisim dispela man na em i stap long Kokopo haus kalabus na wetim kot. Meri i daii bilong ples Tauliu. Dispela trabel i bin kamap long mun Januəri.

# Sif Sensa bai skelim pawa

Kolopu Waima i raitim



**Sif Sensa Steven Mala.**  
Foto: Sensasip opis.

**SIF SENSA** bilong Sensasip Opis Steven Mala i tok em bai skelim pawa bilong em i go long provin-sal na lokal level gavman na go daun long komyuniti level.

“Ol bai i gat pawa olsem mi gat na sekim ol lain long wanwan komyuniti bilong ol. Sapos ol i painimaut wan-pela i holim, ol bai sasimem na kisim em go long kot, em i tok.

Mista Malai mekim dispela toktok long wanpela midia konprens long wik i go pinis.

Em i tok wok bilong Sensasip Opis i bikpela tru na em yet wan man wantaim ol liklik wokman em i gat bai no inap long helpim long stretim ol dispela bikpela hevi.

Mista Mala i tok, wok bilong Sensasip Opis em long sekim ol samting we i tambu long kam insait long kantri. Em ol samting olsem piksa nogut, sekstoi, buk bilong piksa nogut, na ol piksa nogut stap insait long CD. Tasol nau dispela hevi i go antap nai no isi long kontrolim bikos ol i kisim long mobail pon na komyuta.

“Olsem na mi nidim sapot bilong olgeta lain,” em i tok.

Em i tok ol dispela samting kam insait long kantri na paulim het bilong ol marit man, marit meri, yangpela man na yangpela meri. Planti ol lain long kantri i lukim pinis ol dispela piksa nogut nai laik traim. Na dispela em i bagarapim wan wan kalsa bilong yumi. Dis-

pela tu bai groim-vailensegens ol meri, na lo na oda hevi bai go antap.

“Mipela i no gat ol dispela kain kalsa. Em pasin bilong ol arapela kantri. Tasol ol pablik wantaim ol sumatin tu i lukim na tingting bilong ol i paul pinis. Sensasip Opis bai no inap stretim dispela hevi. Dispela hevi bai go bikpela sapos yumi i no kontrolim nau,” Mista Mala i tok.

“Mi olsem Sif sensa, laik givim sampela pawa bilong mi go long ol lida long komyuniti level. Na ol bai lukluk raun long wanwan komyuniti, wokim awenes na tok kliia long ol pipel bilong ol,” Mista Mala i tok.

Em i pinisim toktok bilong em na tok, ol kaunsila na presiden i ken holim ol, sasim na kalabusim husat ol lain i holim ol dispela samting o i laik traim long mekim dispela pasin nogut.



**PIPIA PULAP:** Malaoro maket i pas bikos pasin bilong hait na salim buai insait long maket i pulap tru. Pipia tu i no isi long ples bilong tromoi pipia. Taim bilong NCDC long klinap. Foto: Nicky Bernard



SOLVE  
your worry  
GROW  
your money

Savings Secured Loan

Do you have savings but need additional funds? With our Savings Secured Loan you can now take out a loan by using your savings account balance as collateral. Rates are competitive and you continue earning higher interest on your savings at the same time.

BOROKO LENDING OFFICE  
WILL BE OPEN THIS WEEKEND  
SATURDAY 8th - SUNDAY 9th  
FEBRUARY 2014  
9AM - 4PM

- ✓ Personal Loan
  - ✓ Savings Secured loan
  - ✓ Smart Business Loan
  - ✓ Housing Loan

Apply now at your nearest branch

320 1212 / 7030 1212 - 24/7

servicebsp@bsp.com.pg

www.bsp.com.pg




Official Sponsor of the 2015 Pacific Games

## Las yia bilong OBE

Kolopu Waima i raitim

Skul i stat pinis dispela wik na nupela Stended Bes Edukesen (SBE) we i bai senisim Autkam Bes Edukesen (OBE) i no redi. Ol skul bai go het long yusim OBE.

Edukesen Seketeri Dokta Michael Tapo i tokol tisa bai go het long yusim Autkam Bes Edukesen long dispela yia. Em i mekim dispela toktok long midia konfrens long Mandé.

Dokta Tapo i tok nogat wanpela senis bai kamap long dispela yia. Tasol ol bai mekim senis long 2015. Em i tok ol dispela senis na toksave bai kamap long sekula bilong Seketeri.

Em i tok ol tisa bai yusim wankain samting ol i bin yusim las yia long skulim ol pikinini.

“Mi tok kliia nau olsem ol tisa i ken go het yet long lainim ol pikinini wantaim Autkam Bes Karikulum.” Dokta Tapo i tok.

Gavman, i bin tokaut pinis long las yia olsem OBE bai go aut na nupela Papua Niugini Bes Karikulum bai kamap long dispela yia. Papua Niugini Bes karikulum i olsem olgeta samting em saveman bilong Papua Niugini yet bai raitim. Na em bai isi long ol sumatin bai save na bai helpim ol pikinini long skul.

Gavman i bin sanapim wanpela Karikulum TaskFos tim long kamapim dispela nupela karikulum.

Man husat i go pas long dispela tim, Dokta Eliakim Apelis i bin tok tu long las yia olsem OBE bai go aut na nupela karikulum bai kamap dispela yia.

Dokta Tapo i tok dispela nupela karikulum i no redi yet na ol bai yusim nupela Karikulum long neks yia. Ol karikulum wokman long Karikulum Developmen na Asesmen Divisen bilong Dipatmen bilong Edukesen i wok yet long nupela karikulum.

Dokta Tapo i askim ol tisa long yusim yet Autkam Bes Edukesen long dispela yia.

**Ol ripot na poto long raun bilong praim minista i go long Bogenvil wantaim Veronica Hatutasi**

# Gavman bai rausim BCA 1967 Ekt

**GAVMAN** bai rausim Bogenvil Kopa Agrimen Ekt (BCA) 1967 we i bin givim tok orait long bikpela maining kampani bilong Australia, Conzinc Riotinto Australia, (CRA) long wok maining long Panguna.

Praim Minista, Peter O'Neill, i mekim dispela tok-tok long Panguna taim em raun na bungim ol pipel bilong Bogenvil las wik.

Mista O'Neill i wok long bekim askim bilong Siaman bilong Panguna Lenonas o papagraun Asosiesen (PLA), Lawrence Daveona. Praim Minista na deligesen i bin go antap long Panguna long Trinde, las de bilong raun bilong em long Bogenvil.

Samting olsem 700 pipel bilong Panguna Main eria i bin bung long Panguna Praimeri skul long holim bung wantaim Mista O'Neill na lain bilong em. Dispela bilding nau skul i stap long en em ol singel wokmeri bilong Panguna Kopa main i save slip long en.

Daveona i mausman bilong ol papagraun long ples we Panguna Kopa Main i stap lon en.

Mista Daveona i bin askim nesenel gavman long tupela samting.

Wanpela em long nesenel gavman na palamen i rausim 1967 BCA Ekt, na givim wanpela restoresen pekej o mani long nupela Bogenvil na Panguna we i no ken mekim wankain asua.

"I no olgeta lain long Panguna i bin wanbel long kamapim dispela hap lo taim bikpela maining kampani olsem RioTinto i go het na sanapim kopa main. Ol i bin kamapim dispela lo taim

PNG i no kisim indipendens yet na ol i sainim BCA 1967 agrimen aninit long kolonial gavman. Dispela agrimen i no inap lukautim ol nids bilong ol papagraun long Panguna na Bogenvil.

"Aninit long intenesenel lo, dispela lo i stap yet. Taim mipela i save go long ol bung long toktok long opim bek Panguna Main, ol konsalten na saveman i save tokim mipela olsem na mipela i save brukim lewa bilong mipela stret.

"Mipela i askim yu olsem praim minista long statim ol wok long rausim BCA 1967 Ekt. Teknikal tim bilong mipela i redi long helpim ol draf sabmisen i go long NEC long go het long ol wok long dispela samting. Sapos dispela lo raus, em bai opim rot long toktok long opim Panguna Main aninit long nupela agrimen," Mista Daveona i tok.

Long restoresen pekej bilong Panguna na Bogenvil, Mista Daveona i tok ol i laik bai nesenel gavman i katim mani i go long ol long stretim ol pipel long ol hevi i bin kamap long pait.

Mista Daveona i tok dispela i no bin kamap pastaim long long ol i sainim Bogenvil Pis Agrimen.

Em i tok em i no klia sapos i bin gat mani long wokim dispela, o sapos i gat, ol bin yusim dispela mani long narapela samting.

Em i tok ol i toktok long dispela wantaim Bogenvil Kopa Limitet long ol bung wantaim ol na ol i wanbel long dispela.

Mista Daveona i askim Praim Minista O'Neill long givim dispela peket i go long ol Panguna na Bogenvil pipel.



**WELKAM LONG BUIN:** Ol mama bilong Buin, Saut Bogenvil i mekim save long amamas, singsing kiaku na danis taim Praim Minista O'Neill i go long Buin las wik Tunde. Bikpela selebresen i bin kamap long Buin Taun we ol pipel i makim Buin, Siwai, Bana na Torokina Distrik i bin soim pasin kastom long tok welkam long praim minista na deligesen bilong em.

Long bekim dispela, Mista O'Neill i bin tokim ol pipel bilong Panguna olsem "bai gavman i stopim 1967 BCA Ekt na kamapim nupela lo".

**ARAWA PLES BALUS:** L-R: Fabian Hakalits (EM TV), Veronica Hatutasi (Word Pablis-ing), Theresa Kumo (Dairekta Praim Minista Midia yunit) na Firmin Nanol (Gavmani Sivarai) em 4-pela long sampela ol ripota i bin stap long wokabaut bilong praim minista i go long Bogenvil. 4-pela i sanap namel long Aropa Ples balus. Maski bikpela pait i bagarapim ples, ples balus i stap gut yet, olsem poto ya i soim.



## Rivyu bai kamap long Bogenvil Atonomi

### ... Lons bilong BPA awenes

BAI ol i glasim gen ol wok bilong Bogenvil atonomi, Presiden bilong Atonomas Rijen bilong Bogenvil (ARB), Sif Dokta John Momis i tok.

Em i tok dispela i mas kamap bikos taim bilong referendum o pipel long Bogenvil i wokim disisen long kamap wanpela kantri ol yet, o stap wantaim PNG yet i kamap klostu.

Sif Momis i tok olsem long Buka na Buin insait long ol bung i kamap long "Goodwill Visit", wokabaut bilong Praim Minista, Peter O'Neill, long Bogenvil las wik.

Tripela de "Goodwill" wokabaut bilong Mista O'Neill na delegesen bilong em i bin stat long las wik Mande na i pinis long Trinde. Praim minista na lain bilong em i bin go long Buka, Arawa, Panguna na Buin.

Long olgeta ples em i go long en, moa long 2,500 manmeri na pikinini i bin kamap na tok amamas long

lukim em, na tu, tok tenkyu long em i go krungutim ples bilong ol.

Mista O'Neil i namba wan praim minista bilong kantri long go lukim pipel long bikples Bogenvil olsem Buin, Siwai na Panguna bihain long Bogenvil pait.

"Bai i gat joint riviu namel long nesenel gavman na ABG long atonomi long Bogenvil i go olsem wanem na ol wok i stap long wanem mak. Olsem na dispela yia, 2014 bai lukim awenes i kamap long Bogenvil Pis Agrimen (BPA) na referendum.

"Wokabaut bilong praim minista i sapotim wok bilong atonomi we mipela i bihainim ol lo na wokim i stap.

"Salens i stap nau long ol pipel bilong Bogenvil yet long senis, lusim ol kros, hevi na bel no gut bilong pastaim na wok bung wantaim long lukim kaikai bilong atonomi i kamap," Sif Momis

i tok.

Aninit long Bogenvil Pis Agrimen (BPA) we nesenel gavman na ol lida bilong Atonomas Bogenvil Gavman (ABG) i bin sainim long yia 2001 bilong givim stia long ol wok long bringim gutpela sindaun long Bogenvil, wok mani na wok politik, ol pipel bilong ARB bai vot namel long 10 na 15 yia bihain long ol i sanapim atonomas gavman.

Dispela yia em i 9-pela krismas bihain long gavman bilong Bogenvil yet, ABG, i bin kirap long yia 2005, tasol planti pipel long Bogenvil i no klia long ol samting i stap insait long BPA, na referendum.

Olsem na long las wik Mande, Praim Minista O'Neill i bin lonsim awenes program bilong BPA.

Sif Seketeri bilong nesenel gavman, Sir Manasupe Zurenuoc i givim sotpela histori bilong BPA.

Em i tok bihain long 13 krismas BPA i kamap, planti pipel long Bogenvil i no save long BPA bikos ABG i no mekim awenes long dispela samting.

"Nau yumi lonsim BPA awenes progremna bikpela salens bilong ABG em bilong skulim ol pipel na givim ol save na infomesen long glasim na skelim ol samting pastaim na mekim ol disisen long referendum," Sir Manasupe i tok.

Long wankain taim tu, Sif Momis i bin tok klia olsem ABG em i wanpela gavman em yet na i no olsem ol narapela provinsal gavman long kantri.

Tasol em i tok planti taim, ol lida na ol nesenel palamen memba i no luksave o klia long en.

Em i tok dispela i moa yet long sait bilong givim mani long ABG we i mas bihainim ol samting i stap insait long BPA.

## Aropa ples balus bai op gen

### ...Bai balus i go long Solomon Ailan

AROPA Intenesenel ples balus long Bogenvil bai op klostu sapos olgeta wok na toktok i orait.

Praim Minista Peter O'Neill i bin tok Aropa Intenesenel Ples balus i wanpela long ol projek em i laik lukim i karim kaikai long dispela yia.

Em i tok ol rot, bris na ples balus em ol bikpela samting i mas stap long bringim developmen na sevis i go long pipel.

Bipo long Bogenvil pait i kamap, Aropa ples balus i bin sevim ol pipel bilong Bogenvil, PNG na ovasis.

Ol lain i laik go long Fiji na ol arapela kantri long Saut Pasifik na Nu Silan i save kisim balus long Aropa i go long Honiara long Solomon Ailan, na i go long ol wan wan kantri bilong ol.

Tasol Bogenvil pait i bin pasim ples balus na tu, olgeta bilding long teminel i paia long taim bilong pait.

Long planti yia nau taim

Aropa Ples balus i pas, ol pipel bilong Sentrel na Saut Bogenvil tu i kisim taim stret long baim bikpela mani long trenspot long Buka i go long ples bilong ol.

Air Niugini balus i save pundaun tasol long Buka na i stap longwe long Sentral na saut Bogenvil.

Stet Entaprais Minista, Ben Micah i tok long tripela mun i kam, Air Niugini Des 8 balus bai kirapim ron i go long Aropa Ples balus.

Em i tok ol opisa bilong Nesenel Epot Koporesen Sevis (NACS) i sekap pinis Aropa na ol samting i orait. Tasol ol bai kisim ol ripot i go long Mosbi long CASA bilong tok oraitim.

Mista Micah i tok dispela bai helpim ol pipel long Sentral na Saut Bogenvil long daunim hevi long baim bikpela mani long trenspot i kam olgeta long Buka ples balus, em bai helpim ol bisnis na sevis i ran long Bogenvil.

# CSTB i asua long tenda bilong marasin

**NESENEL Asosiesen bilong ol Dokta na Medikal Sosaiti bilong PNG i tokaut olsem ol i no wanbel long rot Sentral Saplai na Tenda Bod i bihainim long makim bida bilong baim na dilim marasin long kantri.**

Long Tunde dispela wik, insait long wanpela forum long we Komyuniti Koalisen Egens Korapsen (CCAC) i bin holim long lekta tieta bilong Yunivesiti bilong Papua Niugini Skul bilong Marasin, ol dokta i autim bel hevi bilong ol long dispela kontrak gavman i bin givim long Borneo Pharmaceuticals Ltd. Borneo Pasifik i winim bid wantaim mak bilong K71 milien, em i mani mak antap moa long tupela narapela kampani. City Pharmacy em i wanpela husat i putim bid long K48 milien na narapela kampani i bin bid long K51 milien.

CCAC i bin kamapim dispela kibung bilong bringim olgeta lain husat i gat wari long rot gavman i bihainim long makim bikpela kampani bilong ol marasin na saplaim long ol haus sik na ol et pos insait long kantri.

Ol lain i stap long dispela kibung olsem het bilong PNG Medikal Sosaiti, Profesa Glen Mola na Sekreteri bilong Nesenel Dokta Asosiesen, Dokta Sam Yokapua i tok Borneo Pasifik Famasutikel Ltd i no gat olgeta mak long em bai inap long kisim dispela kontrak.

Profesa Mola, Tresera bilong PNG Medikal Sosaiti i tok Borneo Pasifik i bin putim aplikesen bilong em leit na gavman i bin surukim taim long 3-pela mun moa long 2013 long givim em moa taim long redi pastaim.

Tasol em i tok olsem i bin gat tupela narapela kampani tu i bin aplai long mekim dispela wok na ol i bin



**Profesa Mola i sindaun insait long forum wantaim ol Transperensi wokmanmeri na ol arapela dokta.**

putim long taim stret tasol gavman i no makim wanpela bilong ol.

Bikpela askim i stap olsem, bilong wanem na gavman i makim Borneo Pharmaceuticals Ltd taim em i putim bid i antap tumas, na tu, em i no bin redi long namba wan taim Sentral Tenda Bod i putimaut ol tenda.

Nesenel Sekreteri bilong Dokta Asosiesen, Sam Yokapua i tok ol i bin traim long holim wantaim Helt Minista na Helt Sekreteri na tupela deputi bilong em long toktok long dispela kontrak long 4-pela wik i go pinis tasol i no gat gutpela tok wanbel i kamap yet.

Dokta Yokapua i tok ol NDA i no wanbel tru long dispela wok gavman i mekim long makim kampani bilong baim marasin na dilim long ol haus sik.

"Ol dokta em ol tim lida long wok bilong helt long ol haus sik na

klinik, olsem na ol i laikim olsem ol marasin na samting bilong wok ol i yusim em i mas trupela na ol i gat bilip long en.

Mipela i no wanbel tasol ol i givim kontrak pinis na i luk olsem bai mipela i no inap mekim wanpela samting moa long stopim," em i tok.

"Tes grup bilong mipela i mas sekap pastaim ol marasin na bihain ol i go aut. Sapos nogat, em bai ol dispela marasin i kamapim wanpela rot bilong kilim planti lain. Na dispela em i ken kamap olsem wanpela indastriel hevi," Dokta Yokapua i tok.

Pastaim Sekreteri bilong Helt Dipatmen, Dokta Nicholas Mann i bin stap tu na em i luksave olsem i no gat man i makim maus bilong ol narapela lain husat i asua, olsem CSTB, NEC na Helt Depatmen i bin stap long dispela miting. Em i

tok ol komiti bilong bungim ol kain kain stekholda i mas mekim gut wok na bai ol toktok i ken karim kaikai.

Wanpela pepa, em Transperensi Intenesenel i redim bilong dispela kibung i tok long 2011, Sekreteri bilong Nesenel Helt Dipatmen, Clement Malau i bin tokaut olsem Dipatmen bilong Helt i no save mekim gut tenda. Em i gat sampela hait pasin i stap.

Ol wok painim aut i bin soim olsem sampela marasin ol kontrakta kampani i save bringim i kam insait long kantri long sampela yia i go pinis, em i no gutpela o strongpela na tu sampela marasin em ol i wokim long giaman samting i luk olsem marasin.

Borneo Pasifik Pharmaceutical Limited, i save baim ol marasin long North China Pharmaceutical Grup (NCPG). Wanpela liklik nius-

pepa bilong ol marasin i tok olsem ol i bin traim ol marasin i kam long NCPG na ol i painim olsem planti i no bin stap long mak bilong yusim long PNG na narapela kampani em i bringim giaman marasin tasol. Olsem na ol i tok Sentral Saplai na Tenda bod i asua.

Nau tupela yia bihain ol i givim kontrak gen, inap long mak bilong K71 milien i go long Borneo Pasifik Famasutikal Limited long em wanpela tasol bai i ken baim ol marasin na ol samting bilong wok insait long haus sik na ol narapela wok ples bilong helt long kantri.

Em i luk olsem Sentral Saplai na Tenda Bod i no bihainim stret rot long givim dispela kontrak. Ol askim i kamap em olsem.

Wanpela askim em, bilong wanem na taim bilong tenda i pinis long 30 Me, 2013 tasol ol i skurim gen i go long 20 Jun, 2013? I bin gat 6-pela aplikesen i stap long 30 Me 2013, na i no gat wanpela i kam insait long 20 Jun, 2013.

Namba 2 askim em, bilong wanem na CSTB i rausim lo bilong kampani i mas gat ISO Akreditesen bipo long nupela taim bilong pinsim tenda long 6 Jun 2013? Dispela em bilong givim moa spes long Borneo Pasifik Famasutikel bilong wanem em i no gat mak bilong ISO yet.

Dokta Arabella Koliwan, wanpela meri dokta i save wok wantaim volantia sevis long Kikori Distrik Haus Sik i makim maus bilong ol rurel haus sik na ol dokta na i tok ol i save painim hat tru long kisim ol marasin long bus.

Dispela kibung i kamapim ol tok tok olsem i gat bikpela pasin korapsen i kamap long givim dispela kontrak.



## Polis holim ol lain salim spak brus

Poto na Stori i kam long Alu Aluvula, NCDC Media

NCDC Risev polis i bin holim sampela lain i karim 10kg bek mariwana long Laloki "buai ban" rot blok. Ol opisa long han kais i go long han sut em; S/C Walo, Nenta, F/C Sarea, Konstabel Eric na Bui. Ol i bin kirap nogut long lukim bikpela mekpas drag o spak brus mariwana taim ol i wok long sekap long buai. Sapos wanpela man i salim dispela mariwana long rot bilong taun, ol bai kisim samting olsem K10,000. Tasol bai nogat nau bikos ol lain i karim dispela spak brus i kam, i stap long polis rumgat nau. Rot blok long Laloki em i no bilong buai tasol, nogat, tok lukaut i go tu long ol lain i karim ol drag o dring na draiv long dispela rot. Sapos polis i holim ol bai ol i kisim bikpela mekim save bi long lo.

## Kimisopa givim strongpela tok lukaut

NAU yet wok bilong lukautim samting olsem wan handet tausen (100,000) pipel bilong Goroka taun long Isten Hailans, i stap long han bilong nupela Goroka Eben lokal level gavman(GULLG) taun menesa, Harold Abori.

Memba bilong Goroka long palamen, Bire Kimisopa i tok em i laik lukim gutpela pasin i mas stap tu long dispela opis aninit long lukaut bilong Mista Abori.

Long taim ol i bung long lukim nupela taun manesa i kisim wok, Mista Kimisopa i tok ol paul na stil pasin insait long ol ogenaisesen na ol ejensi aninit long nesenel gavman i wok long kamap bikpela tru. Olsem na em i laik lukim stretpela pasin bilong wok na lukautim mani i mas stap insait long opis bilong GULLG.

Em i tok, populesen bilong Goroka tauni bikpela tru nau. Na

GULLG i mas wok strong long bringim gutpela sevis na lukautim gut ol pipel long distrik na ilektoret bilong em.

Mista Kimisopa i tok strong olsem, "Sapos mi painimaut olsem stil na paul pasin i stap long opis bilong GULLG, migat politikal pawa long rausim yupela ol wokman na meri husat i kamapim dispela pasin na senisim yupela."

- **Sape Metta i raitim**

# FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

PORT MORESBY: 323 2658 | Digicel: 7215 0333 / 7217 9815  
 LAE: 472 6324 KOKOPO: 982 8748 | email: machinery@agmark.com.pg

# Disiplin fos na kot mas wokbung wantaim

# Nesenel Kot salim MP Yagama na Yama long kalabus

...tasol ol sevim 10-pela aua tasol

## Kolopu Waima i raitim

**PAPUA Niugini Sif Jastis Sir Salamo Injia i tok Jude-seri em bilong holim lo na ol disapinfos i mas wokbung wantaim long strongim lo long kantri.**

Em i mekim dispela toktok long taim bilong opim 2104 kot yia long Mosbi long dispela wik.

Sif Jastis Sir Salamo Injia, ol narapela Jas, PNGDF komanda Gilbert Toropo, Asisten Polis komisina Simon Kauba ol prinsapol Loya, loya na ol pablik manmerii bung long Naserene sios

long Godons long pre long wok bilong ol.

Ol polis i mas kam daun long Ela Murray skul. Ol polis nawonda i paitim dram i go pas na ol Jas i kam bihain. Ol loya i jonim lain kam baksait long ol jas.

Sif Jastis i lukluk raun long ol polis nawoda taim ol i sanap long lain. Bihain long en Sir Salamo i salensim ol long wokbung wantaim kot.

Em i tok ol polis nawodai ken bihainim ol kot oda na tu ol i ken mekim wok long strongim lo long kantri.

Em i tok, ol lo enfosman ejensina ol i mas wok bung

wantaim kot long strongim wok bilong lo na oda.

Bihain ol i go insait long sios we ol pastor ipreana autim tok. Senia Pasta Reverend MunduaKagli tok ol jasna ol arapela lida mas i pret long God.

Putim God i go pas long wanem ol samting ol bai mekim long dispela nupela yia.

Sir Salamo i tok olgeta nupela yia ol i save opim kot yia long wanpela sios. Em tok tenk yu long Naserene sios long larim ol ii yusim sios bilong ol long dispela yia.

WANPELA kain rekot o histori i bin kamap long Nesenel Kot long Madang long las wik Fraide, taim Nesenel Kot Jas, Jastis David Cannings i givim mekim-save long Memba bilong Usino-Bundi, Anton Yagama long go kalabus 9-pela mun, na na bisnisan na foma MP, Peter Yama long go kalabus 6-pela mun.

Tasol bihain long ol dispela tupela man i go antap long Beon haus-kalabus na sevim olsem 10-pela aua long banis, ol loya blong ol i mekim apil aplikesen long Fraide nait long Deputi Sif Jastis, Gibbs Salika na em i larim ol i kamaut.

Tupela I kamaut bihain long loya bilong ol I mekim beil aplikesen wantaim ol garento bilong ol. Garento bilong MP Yagama em Gavana bilong Madang, Jim Kas.

Kot i salim 6-pela sapota bilong MP Yagama long go kalabus 18 mun, bihain long ol i brukim kot oda we kot i givim long July 29, 2013 long noken kamapim trabel na brukim lo bilong kot taim harim bilong Usino-Bundi bai-ileksen i kamap.

MP Yagama wantaim



**Memba bilong Usino-Bundi, Anton Yagama.**

Madang bisnisan, Mista Yama em kot i salim ol long go kalabus aninit long sas bilong kotemtp ov kot, we ol i no soim rispekt long kot.

MP Yagama i go long kot bihain long registra bilong Nesenel Kot, lan Augerera i bringim sas long pasin ol sapota bilong Yagama i mekim long kamapim pret long pablik taim kot bilong Usino-Bundi rikaunt o kaunim gen bilong bai-ileksen i kamap long Madang Nesenel Kot Haus. Dispela asua i bin kamap long Septemba 3 long las yia we i lukim ol lain sapota bilong Mista Yagama i peintim pes bilong ol wantaim bilak sit bilong paia na karim naip na ol arapela samting na soim belhat bilong ol long dispela taim kot i kisim.

Kot i tok tu olsem long dis-

pela taim ol lain sapotas bilong Mista Yama i sanap long arapela sait long Yabob rot, tasol ol i no mekim nois o kamapim pret. Ol i stap isi tasol.

Bisnisan na foma MP, Mista Yama em Jastis Cannings i salim em long go kalabus 6-pela mun, taim kot i painim em asua long kamapim pret toktok long ol memba bilong polis bilong Ramu.

Kot i painim olsem Mista Yama i go bek long Kot Haus long 1:25 pm, na i draiv bihainim Yabob rot i kam olsem long Yabob viles. Taim em i draiv i go klostu long we ol memba bilong Ramu Polis i stap long arere long NBC bilding na 50 mita long kot haus geit, em i bin belhat long ol polisman long wanem as tru na ol i no rausim ol samting bilong pait long ol sapota bilong Yagama.

Em i askim we Provinsal Polis Komanda, na ol polisman i bekim olsem em i stap long Mosbi, na Mista Yama i belhat long wok ol polisman i mekim na i tokim olsem olsem: "Yupela ol Ramu Polis i no wokim wok blong yupela olsem profesinol.

Bilong wanem yupela i no rausim ol samting blong pait long han blong sapotas bilong memba.



**Ol polis na woda i mas kam long taim bilong opim kot yia long Godons Naserene Sios.**  
Poto Nicky Bernard

# Back to school?

A Westpac Personal Loan can help pay for your children's school fees.

You can also use it to pay for excursions and uniforms.

Find out how to apply today.

Call 322 0888  
Email [westpacpng@westpac.com.au](mailto:westpacpng@westpac.com.au)  
Visit [www.westpac.com.pg](http://www.westpac.com.pg)

Banking for generations.

Things you should know: Terms and conditions apply. Lending is subject to the Bank's approval.  
© 2013 Westpac Banking Corporation ABN 33 007 457 141

## In Loving Memory

Dear Asi,

It's been a year now since you were called by our Heavenly Father on 29/01/2013. Missing you like you were just gone yesterday. Tears shed every night, so many broken hearts left. When we're too weak to carry on, we turn to God for comfort And know that he only knows when we can next meet. Love always, mum, Charko&all your family @ Taurama&Bigairuka.

R.I.P Kekeso!

# Colgate Palmolive givim skul tok long City Mission

OL autris woklain bilong Colgate Palmolive long Pot Mosbi i bin go long fam bilong City Mision long Mirigeda, klostu tasol Pot Mosbi long dispela wik na i givim toktok bilong lukautim tit long ol 200 yangpela man na ol trena bilong ol.

Helt Eduketa bilong Colgate Palmolive, Dokta Newman i soim ol piksa long ol posta na tu long wanpela pawa poin presentesen long ol gutpela tit, gutpela gam na ol sik bilong tit, tang na maus.

Dokta Newman i tok strong long olgeta lain i mas klinim tit wantaim kolget na tit bras tupela taim long wan wan de. Tasol em i tok sapos ol lain i kaikai planti kain kaikai long namel taim, ol liklik binatang bai i kamap gen, olsem na ol bai i mas klinim tit gen. Tasol sapos i no gat tit bras na kolget olsem long ol ples, bai yu klinim tit olsem wanem? Dokta Newman i tok yu ken yusim skin bilong buai na

brasim tit bilong yu o sapos nogat, yu mas kaikai ol gutpela kumu na kaikai bilong gaden i gat faiba olsem i gat ol rop insait. Em i save klinim tit.

Tripela as tok em i autim em long: helti maus, helti bodi na gutpela tit bai yu kaikai gutpela kaikai. I gat tripela hevi i ken kamap long yu sapos yu no lukautim gut tit na klinim wantaim kolget olgeta taim. Namba wan, tit bilong yu i ken bagarap o sting, namba tu, gam bilong yu i ken bagarap o kamapim sua o solap, namba tri, yu ken kisim kensa long maus.

“Wanpela samting ol i kolim ‘Dental Plaque’ em i save kamapim olgeta sik long tit na gam. Dispela dental plaque em i wanpela kain jem o liklik binatang yumi no inap long lukim long ai. I gat 750 milien kain jem i save stap long 1 miililita spet na em i ken go antap long 5.5 milien,” Dokta Newman i tok.

“Sapos yu laikim tit bi-

long yu i stap gut, yu mas klinim tit bilong yu wantaim kolget i gat floraid marasin tupela taim long wan wan de, klinim wantaim narapela samting olgeta de, kaikai gutpela kaikai bilong gaden i no gat bikpela suga, dring 2 lita wara o 8-pela kap wara olgeta de na yu mas go sekap long dentis o dokta bilong stretim tit, sampela taim long sekim tit bilong yu,” Newman i tok.

Wara em i save klinim maus na klinpela maus na tit bai i no inap kamapim sik o mekim maus i smel na tit i sting. “Sampela pasin i save bagarapim tit na helt bilong yumi em pasin bilong smok, dring planti bia em i save kilim ol soldia bilong bodi, kaikai tumas na bodi i go bikpela tumas na tingting planti,” Dokta Newman i tok.

Bihain long ol toktok, ol tim bilong Colgate i givim 5-pela liklik tit pes, wanpela tit bras, wanpela kat sop na liklik tok save pepa bilong pasin bilong lukautim tit.



Ol yangpela fam boi wantaim ol trena na woklain bilong City Mision i soim ol presen bilong ol. Ol i sanap wantaim Dokta Newman na narapela wok meri bilong Colgate Palmolive.

## 5201 i no kisim fri edukesen mani

### Kolopu Waima i raitim

Moa long 5000 skul bai no inap kisim namba wan hap bilongfri edukesen mani.

Seketeri bilong Edukesen Dokta Michael Tapo i tok ol dispela skul i no bihainim lona givim ripot ii go long Dipatmen.

Em i tok ol dispela skul i giaman na apim namba bilong ol pikinini go antap, givim giaman skul we skul i no stap, apim namba bilong ol tisa go antap long trikim gavman long kisim pablik mani.

Dokta Tapo i tok i gat 13, 620 skul i stap long kantri.

Long dispela namba, 8, 419 skul i givim ol trupela infomesen long skul sensus ol i bin salim i go out.

Long dispela skul sensus, ol skul bai givim trupela infomesen tasol sampela i giaman na putim ol kainkain nem na apim nem bilong ol sumatin long kisim moa mani.

Em i tok, dispela 5201 skul bai no inap long kisim mani. “Sapos ol i stretim gut na provinsal edukesen advaisa long wanwan

provins bilong ol i tok orait long mipela i givim, em bai mipela givim. Sapos, em ol bai stap go foa o faivpela mun,” Dokta Tapo i tok.

Em i tok dispela i wok bilong provinsal edukesen advaisa long sekim ol dispela skul na stretim ol hariap.

Planti manii bin go lus long rong ples long rong taim na nau dipatmen i wokim long lukim ol dispela na laik kontrolim gut mani na ol sumatin husat bai kamap lida i ken kisim gut save.

## Manu Maket i pas long tripela de

BIKPELA Manu Maket long Pot Mosbi i bin pas long tripela de long dispela wik bikos ol polis na ol sampela woklain bilong NCDC i stopim.

Klostu long 9 kilok moning taim long Mande sampela polis ka wantaim ol polis i go long Manu maket na i tokim ol lain bilong salim ol samting long bungim ol maket samting bilong ol na i no ken maket moa. Ol lain long maket i tok, ol dispela polis i tok kros long ol lain bilong maket i save larim ol man bilong salim buai i wok long stap namel long ol na salim buai.

Wantok Niuspepa i askim ol bos bilong NCDC long dispela samting tasol ol bikpela bos i tok ol i no save long maket i pas. Ating ol lain long operesen yet i wokim dispela.

Tasol em i tru olsem Manu maket na bas stop bilong Taurama i bin kamap doti gen wantaim pipia na spet bilong buai long las tupela o tripela wik i kam.

Ol dispela lain polis na buai ban enfosmen lain i tok sapos ol lain long maket i autim nem bilong ol lain i salim buai, bai ol i opim maket gen. Long Tunde ol dispela lain i bung na i kisim toktok olsem bai i gat tambu



NCDC woklain i kapsaitim buai long Tapot na bi-ahin bai rola i kam krugutim ol.

long ol man i karim buai namel long ol maket lain na salim.

Ol i tambu tu long ol lain i sindaun na maket long namel rot bilong maket long sait bilong Manu Auto Port sevis stesin i go long ai bilong Malaoro maket.

Olgeta lain bilong maket nau bai i mas sindaun gut na maket. Dispela we bai ol lain bilong salim buai i no inap hait namel long ol lain na salim buai yet.

Long wankain taim NCDC i wokim bikpela wok yet long Laloki rot blok na i wok long rausim ol buai.

Long las wik NCD i kisim ol buai inap long pulimapim wanpela 20 tan trak na ol polis i was long en na karim i go long NCDC Tarpot.

**BACK 2 SCHOOL  
BACK 2 THEODIST  
25% OFF!**

**BACKPACKS, SACHELS, DUFFLE BAGS, LUNCHBOXES,  
DRINK BOTTLES, PENCIL CASE & MORE**



**smash**

**REYEX**

**EBOX**

**PROMOTION ENDS FEBRUARY 28TH!!**

**CALL OUR SALES TEAM TODAY!**

WAIGANI DRIVE, PORT MORESBY  
Ph: 325 6500 Fax: 325 0302 Email: sales@theodist.com.pg  
MARKHAM ROAD, LAE CITY  
Ph: 472 5488 Fax: 325 0302 Email: saleslae@theodist.com.pg

**THEODIST LTD**  
THE STATIONERY SUPERMARKET

# Australia helpim ol meri Manus

**Hai Komisina bilong Australia long Papua Niugini, Deborah Stokes i givim 20 ilektrik masin bilong samap long Pih Lorengau Wimens Grup long taim em i raun i go long Manus.**

Pih Lorengau Wimens Grup bai stat long samapim kain kain bilas klos na salim.

Mis Stokes i tok olsem em i amamas long sapotim ol meri i samapim ol klos na wok bisnis long Manus. Na em i laik lukim olsem ol meri long dispela wimens grup long skruim save bilong ol long samap.

Ol dispela ilektrik masin i kam long Dairek Aid Program bilong Australia.

"Givim helpim long ol meri

em i bikpela samting insait long Papua Niugini, long wanem, em bai helpim ol meri insait long kantri long kisim strong long wok bung, na kamapim gutpela developmen long nau na long taim bihain," Mis Stokes i tok.

Mis stokes i tok olsem em i laik lukim ol meri long Manus i kamapim ol gutpela stail klos bilong Manus long pulim ol turis, na tu, sapotim Medium Term Integrated Plan. Dispela plen em Manus provinsal gavman i go pas long en.

Wanpela bikpela samting insait long dispela Medium Term Integrated Plan em long pulim planti turis i kam

long Manus long strongim ikonomi bilong provins.

Mis Stokes i tok tenk yu tu long Taun Meya bilong Lorengau, Ruth Mandrakamu na Ekting Provinsal Edministreta bilong Manus, Andrew Posong. Dispela tupela lain i bin helpim Mis Stokes long mekim dispela projek i kamap.

Ol skul bilong lainim long samapim ol klos bai i kamap long Provinsal Wimens Komprens Senta long Lorengau. Na Pih Lorengau Wimens Grup i tok welkam long ol meri long Manus husat i gat laik long samap long kam kisim skul.



**Hai Komisina bilong Australia long Papua Niugini, Deborah Stokes i sanap wantaim ol meri bilong Pih Lorengau Womens Grup long Manus.**

## PM givim K500,000 long wokim nupela CBC opis

**KATOLIK** Sios i save mekim bikpela kontribusen long spiritual, sosel, fisikel, ol helt na edukesen sevis na ol arapela eria bilong developmen long dispela kantri.

Long 50 krismas, Komprens bilong ol Katolik Bisop bilong PNG na Solomon Ailan (PNGSI-CBC) i wok long operet long wanpela bilding long Godons, Mosbi siti. Tasol opis i liklik na tu, paia i bin kukim hap opis we Caritas PNG i stap long en

na bagarapim olgeta samting insait.

PNGSI-CBC em bikpela han bilong Katolik Sios we i save mekim ol disisen bilong sios long PNG na Solomon Ailan.

Jenerel Seketeri bilong CBC, Pater Victor Roche i tok sios bai sanapim nupela na bikpela opis insait long tupela yia we sios bai tromoim K8milien long en.

Olsem ol i wokim ol fan resing long painim mani na

sanapim nupela CBC opis.

Praim Minista Peter O'Neill i joinim ol arapela bikman na ogenesisen long wokim donesen bilong em i go long CBC long helpim ol long sanapim nupela opis bilong ol.

Mista O'Neill i bin givim K500,000 sekmani i go long hetman bilong Pot Mosbi Katolik Asdaiosis, Asbisop John Ribat, long sanapim nupela opis bilong PNG/ PNG Seketeriet. Opis bai pinis na wok

long en insait long tupela yia i kam.

Long las yia, Praim minista i bin tok em bai givim K5milien na isi em i wok long givim. I kami nap nau, em i givim pinis K2.5 milien.

Long makim sios, Asbisop Ribait i bin tok tenkyu long Mista O'Neill long luksave long wok Katolik Sios i mekim na givim gutpela helpim long sanapim nupela CBC opis.

## Japan volandia helpim ol Boera Sande skul pikinini



**WELKAM:** Ol sios memba na ol Sande skul pikinini i tok welkam long Hiroshi Hasegawa.

OL Sande skul pikinini bilong ples Boera ausait tasol long Mosbi siti i ken statim gut nupela skul yia bilong ol na tok tenkyu i go long wanpela volandia bilong Japan.

Long las wik Sande, ol Boera Rivaivel sios Sande skul pikinini i bin kisim 300 pen presen i kam long Hiroshi Hasegawa, wanpela sinia leksera o tisa long Tokples Japan long Yunivesiti bilong PNG (UPNG), Waigani.

Mista Hasegawa i bin kisim ol pen long Pilot Kampani na Al-Q Pharmacy, tupela kampani i save wokim ol dispela pen long Japan.

Stat long las yia, Mista

Hasegawa i save go lotu long Rivaival Sios long ples Boera na em i luksave long samting we ol Sande skul pikinini i laikim. Na taim em i go long ples bilong em long Isesaki siti long Japan, em i askim long helpim long Japan Pilot Steseneri kampani i stap long ples bilong em stret. Ol i wanbel na givim.

Boera Rivaivel sios lida, Nick Bumasu i bin makim ol sios memba na ol Sande skul pikinini na tok tenkyu long Mista Hasegawa long gutpela helpim bilong em i go long ol pikinini.



**OL BISOP NA PM:** (Namba 3 i sindaun) Praim Minista Peter O'Neill wantaim ol bisop bilong Katolik Sios bihain long Anuel Jenerel bung bilong ol long Madang long las yia. **Poto: CBC opis**

## Bikpela Bung bilong luksave long wok bilong ol meri

Embese bilong Amerika long Pot Mosbi wantaim Dipatmen bilong Komyuniti Developmen bai holim wanpela bikpela kibung bilong ol meri long kamapim moa luksave long wok bilong ol meri na man insait long kantri.

Dispela kibung PNG Wimen Forum bai kamap long Mas 6 na 7 long Crowne Plaza Hotel long Mosbi, na em bai i fri long ol lain i go na bung. Insait long dispela namba wan kibung, ol meri grup na ol lida bilong ol bai i wok wantaim gavman, ol intenesenal na praiwet kampani long toktok na kamapim wanpela strongpela tingting long wanem rot bilong helpim ol meri.

Dipatmen bilong Komyuniti Developmen na

Embese bilong Amerika i wok wantaim ol meri lida na ol sivel sosait grup i save wok wantaim ol meri long kamapim ol toktok na tok save na wok bung long kamapim ol wok na long wokim stretpela pasin.

Ol lain i wok long jenda i luksave pinis long ol rot bilong helpim moa ol meri. Taim strongpela wok bung i kamap namel long ol dispela grup, gavman, intenesenal patna na ol praiwet sekta i ken; givim strong long givim moa pawa long ol yangpela meri long kamap lida; soim ol rot bilong ol meri grup i ken kamapim bel isi na gutpela sindaun; kamapim moa sans long ol meri i go skul; helpim ol meri long kisim gutpela na helti laip;

strongim ol man na yangpela long daunim pasin bilong luk daun, paitim na bagarapim ol meri; helpim moa meri long wok bisnis; na yusim teknoloji long givim moa pawa long ol wok long mekim wok.

PNG Wimen Forum bai i mekim taim bilong toktok long ol dispela samting. Em bai bringim planti ol lain i save wok long ol wok bilong ol meri long wol i kam toktok long dispela taim. Ol man husat i gat bikpela tingting long strongim ol meri long wok na long mekim gutpela wok, i ken aplai long dispela forum.

Ol fom bilong rejista i stap long Amerika Embese long Pot Mosbi na long American

Kona bilong Nesenal Laibreri. Salim ol fom go bipo long 12 Februari, 2014. Embese na Dipatmen i tok tenkyu long Esso Highlands UN Wimen, UNDP na Wol Benk long givim sapot bilong ol long kamapim dispela Forum.

Ol i tok ol narapela intenesenal patna na o kopresen tu i ken kam insait na helpim Singaut i go long ol meri i stap olsem ol lida long komyuniti na ol sivel sosaiti grup, ol wan wan meri lida na ol maus meri bilong ol narapela, ol meri i save ranim bisnis, ol yangpela meri lida, ol yangpela pablik sevan, na o narapela meri lida long PNG long putim nem bilong ol long stap insait long dispela bikpela forum.





Ol yangpela meri Vanuatu..

### Disisen bilong kot inap pasim ditensen senta

Ol lain save helpim ol refuji long Papua Niugini i tok ol i amamas long wanpela bekim bilong Suprim Kot las wik. Kot i tok ol pipel husat i stap long imigresen kalabus bilong Australia long Manu i gat rait long salensim gavman long watpo na ol i stap long kalabus.

Suprim Kot bilong PNG i tok olsem ol asailam sika i gat rait olsem ol arapela manmeri long Papua Niugini.

Suprim Kot i mekim dispela disisen bihain long kot i harim eplikesen bilong Oposisen lida Belden Namah. Namah i askim kot long skelim sapos gavman i brukim mama lo bilong kantri long taim em i putim ol asailam sika long dispela ditensen senta long Manu.

Lawrence Stephens bilong Transparency International PNG i tok em i no klia sapos gavman i pasim tingting long no ken tok save long ol asailam sika long dispela rait bilong ol aninit long konstitusen bilong Papua Niugini o nogat.

### Moa yangpela meri bungim famili vailens

Namba bilong ol yangpela meri, em ol man i save mekim pasin nogut long ol i wok long go antap long Santo, namba tu bikpela Provins long Vanuatu.

Wimens Senta long Luganvil i bin mekim dispela toktok bihain long wanpela wok painimaut i bin kamap long hap.

Ripot bilong Wimens Senta i toktok long ol kain bagarap o pasin nogut ol yangpela meri i save kisim. Ol i tok dispela wok painimaut i soim olsem, dispela hevi em i wanpela bikpela hevi na i wok long kamap bikpela moa yet.

Tasol nau lain long Sanma Kaunseling Senta long Luganvil i stat long kamapim ol awenes program long dispela bikpela hevi.

Cathy Bani bilong senta i tok krismas bilong planti long ol yangpela meri husat i bin go lukim ol, i stap long mak bilong 15 na i go daun.

"Wok painimaut bilong mipela i soim olsem planti long ol seksuel abius i kamap long ol yangpela meri taim ol i liklik yet."

Mis Bani i tok tu olsem long taim bilong mekim dispela wok painimaut, ol i bin toktok wantaim ol bikpela meri tu, krismas bilong ol i winim 45 yia.

Long taim ol i stori wantaim dispela ol meri, Wimens Senta i painim tu olsem olgeta meri i bungim ol narapela hevi tu long laip bilong ol.

"Mipela i painim planti meri i save bungim emosenel vailens, ol i save wari long laip na famili bilong ol," em i bin tok.

### Man i drip long solwara moa long wanpela yia

Ol i painim wanpela man bilong Meksiko long

Saut Amerika, husat i tok em i bin drip long solwara moa long wanpela yia, na kisim em i go long biktaun bilong Masel Ailan, bihain long ol i painim em long wanpela liklik ailan las wik.

I no gat planti ailan insait long moa long 12,500 kilomita bilong Pasifik solwara namel long Sauten Meksiko na Masel Ailan.

Dispela man, husat i tok em i Jose Ivan, i lusim Meksiko long go long El Salvador long painim sak long pinis bilong yia 2012.

Edita bilong Masel Ailan Journal, Giff Johnson, i tokim Pacific Beat olsem bot bilong dispela man i bin drip i go long wanpela rip klostu long Ebon Atol long Fonde.

Namba wan ripot ol i kisim i tok, man ya i bin drip long solwara long 16 mun samting, tasol nau ol i painimaut olsem em i bin lusim Meksiko long 24 Desemba long 2012.

Giff Johnson i tok, "Ol pipel bilong ples i tok long taim ol i painim Jose Ivan, em i bin putim wanpela bruk bruk andapens, na maugras bilong em i longpela tru, na bot bilong em i luk olsem i bin stap long solwara long longpela taim tru."

Giff Johnson i tok i luk olsem man ya i bin stap longpela taim stret long solwara.

Ol lokal pipel i bin painim taim long toktok wantaim Mista Ivan, bikos em i save tasol long tokples Spenis.

Mista Johnson i tok ol i no gat moa infomesin long stori bilong man, husat i tok poro bilong em i bin dai long solwara sampela mun i go pinis.

Em i tokim wanpela tanimtok olsem em i laik go bek long Meksiko.

Wanpela sip i karim em i go nau long Majuro, biktaun bilong Masel Ailan na moa stori bai kamap.

I no gat planti ailan insait long dispela 12,500 kilomita bilong solwara namel long Sauten Meksiko na Masel Ailan. Gavman bilong Masel Ailan bai tok save long gavman bilong Meksiko long taim Mista Ivan i kamap long Majuro.

### Sip bilong Sea Shepherd i bam wantaim sip bilong Japan

Sea Shepherd long Australia i bin tok wanpela sip bilong en i bin bam wantaim wanpela sip bilong Japan long Sauten Osen. Ol sip bilong Japan i wok long kilim ol weil i stap long solwara long dispela hap.

Sip ya, Bob Barker, i lusim Hobart i go long Sauten Osen long stat bilong mun Januери. Dispela hevi i bin kamap eitpela de bihain long lain sip bilong Sea Sheperd i bin pasim rot bilong wanpela faktori sip bilong Japan, Nisshin Maru na stopim ol long kilim ol weil.

Kapten Peter Hammarstedt bilong sip Bob Barker i tok sip bilong em inap long bungim sampela bagarap long taim dispela sip bilong Japan, Nisshin Maru, i bin ran klostu long en.

## Poto nius - poto nius



**TOKSORI:** Pastaim Edukesen Seketeri bilong Edukesen, Dokta Joseph Pagelio i bin dai long tupela wik i go pinis na funerel sevis bilong em i kamap long Sione Kami Sios long Mosbi las wik. Pastaim Komisina bilong Tising Sevis Komisn, Michael Pearson i tok sori long Misis Pagelio na famili bilong em. Dokta Pagelio i wanpela gutpela edukesen bos i gat daun pasin na em i gat taim long olgeta lain.

*Poto: Nicky Bernard*



**AMAMAS LONG BUNGIM PIPEL:** Mosbi Notwes Palamen memba, Michael Malabag i save pulim planti manmeri taim em i raun mekim wok olsem dispela potol i soim we ol grasrut lain i amamas long bungim na sekanim em.

*Poto: Nicky Bernard*



**MALAORO MAKET :** Polis na NCDC i pasim Malaoro maket long Mande bikos hait pasin long salim buai i kamap insait long maket. Gutpela maket we yu ken go baim ol gutpela kaikai na abus i pas bikos sampela het olsem ston i no bihainim lo bilong NCDC. *Poto: Nicky Bernard*

# I mas gat kwaliti tisa long ol skul bilong yumi



laik pikinini i mas kisim skul gut na lainim planti samting long helpim em. Yumi olgeta i save olsem papamama i namba wan tisa bilong pikinini. Tasol long taim pikinini i go long skul, tisa em i gat wok long skulim gut pikinini. Tisa i mas stap long klasrum taim ol pikinini i kamap. Na taim bilong statim skul em 8 klok na pinis long hap pas tu o tri klok apinun.

Long dispela wik, planti skul long Mosbi i no stat gut. Long namba wan de bilong skul, Februari 3, papamama i wet yet long putim ol pikinini long skul. Long namba tu de sampela tisa i no kam wok. Ol pikinini i i wet i go nogat na ol i go be long haus. Sampela tisa i kaikai buai, maus i ret nogut tru na ol i kam long skul. Ol i no bisi tumas long wok bikos i gat hevi namel long het tisa na man i go pas long elementeri seksen bilong skul.

Ol tisa i no wok bung na ol pikinini i kisim pen long dispela wok politik namel long ol tisa. Ol papamama i save long dispela hevi tasol ol i pasim maus. Ol i pret long opim maus nogut ol tisa i givim taim long pikinini bilong ol. Em wanem kain pasin nau i kamap long ol skul. Wok bilong tisa em i bikpela samting tru. Ol het tisa i mas skelim gut tisa bipo long em i kisim wok. Dispela pasin bilong les na i no kamap long wok i mas stop nau. PNG i i sot tru long ol kwaliti skul tisa. Otim ai na yau na luk-save long dispela bikpela hevi i stap namel long ol skul long kantri. Planti pikinini i kisim taim nau bikos ol i no bin gat gutpela tisa long taim ol i stat skul olsem na ol i paul nabaut long taim ol i go long haiskul.

Long taim ol papamama i wari long tisa bilong ol pikinini, i bin gat wanpela bikpela kibung bilong ol hetman bilong ol gavman dipatmen i kamap tu long Mosbi long dispela wik. Sif Seketeri bilong gavman i askim ol bos bilong wan wan dipatmen long kamap na givim ripot long ol bikpela wok dipatmen bilong ol i mekim long 2013 na bai i karim i go het yet long 2014. Ol dispela Bikman husat i save sindaun long ol eakondisen opis long Waigani na draiv raun long ol dakglas kolwin kar bai kam bung gen na mauswara long wok bilong dipatmen bilong ol. Yumi putim yau long harim wanem kain toktok bai kamap long maus bilong edukesen dipatmen.

Bikpela toktok bilong Visen 2050 i wok long kap-sait long maus bilong ol saveman bilong gavman long taim ol i toktok long ol bikpela developmen plen bilong bihain taim bilong kantri. Olsem na sapos yumi laik lukim tru kantri i winim mak bilong bungim dispela driman bilong gavman, orait wanpela rot em long givim gutpela trening long kamapim ol kwaliti tisa long olgeta kain skul na ol bai ken skulim gut ol pikinini bilong PNG. Trening bilong kamapim ol kwaliti tisa i mas kamap nau long plen bilong edukesen dipatmen. Ol pikinini bilong tude bai karim dispela driman bilong Visen 2050.

Sapos yumi no givim prairoriti long humen risos bilong kantri, ating bai dispela 2050 Visen bai i no inap long karim wanpela gutpela kaikai. Bai em i stap olsem wanpela driman tasol bilong ol saveman bilong tude.

Nambawan de long skul i stat...



Jada 2014

Eh, tisa... ating mi lukim het masta i spak nogut tru aste long bilak maket klostu long haus bilong mi!

Sori ol sumatin, yumi wetim het masta karim ki bilong klasrum i kam pastaim na yumi go insait..

edukesen dipatmen. Em i tok ol i givim mekimsave long ol dispela skul bikos ol i mas yusim mani na ol risos bilong gavman long stretpela pasin.

Minista bilong Fainens na ekting Minista bilong Edukesen James Marape i givim wankain tok lukaut i go long ol skul. Em i tok ol skul i mas givim ripot bipo long Mas 31 sapos ol i laik kisim namba tu hap bilong mani bilong 2014. Em i tok olgeta lain husat i kisim mani long gavman i mas givim ripot long ol rot ol i yusim dispela mani. Na em i

askim olgeta het tisa bilong ol skul tu i mas givim ripot.

Minista i tok tu olsem gavman i luksave long planti hevi insait long edukesen. Ol kain hevi olsem liv fe bilong ol tisa, no gat ol kwaliti program, no gat inap spes na gutpela tisa. Em i tok gavman bai stretpela ol dispela hevi, dipatmen bai putim tiket mani bilong oltisa i go stret long benk akaun bilong ol. Dispela yia em i las yia long pinisim OBE sistem bilong ol skul. Neks yia bai i gat nupela edukesen straksa na kurikulum. Dispela yia em

i namba tu yia bilong ol skul i mas yusim tok Inglis long skulim ol pikinini. Na neks yia bai i gat tupela yia tasol long elementeri, sikispela yia long praimer na sikispela yia long sekenderi skul. Na long dispela yia, ol skul i no mas sasim moa long K200 long projek fi.

Ol dispela samting Mista Marapela i tokaut long en long dispela wik em i bikpela samting tru long edukesen bilong ol pikinini bilong dispela kantri. Long taim papamama i salim pikinini i go skul, ol i

# PAC painim bikpela korapsen long Madang edministresen

PABLIK Akauns Komiti (PAC) i mekim wok painimaut insait long Madang provinsal edministresen na i tok provins i no gat gutpela rekot na stretpela akauting system.

Dispela i lukim planti milien Kina i paul na i no gat rekot i stap.

SIAMAN bilong PAC, John Hickey wantaim tim bilong em i bin stap long Madang long las wik long mekim wok painimaut. Ol i askim ol gavman opisa bilong provinsal edministresen bihain long odit ripot bilong 2011 na 2012 i soim olsem i gat planti paul pasin



i kamap na no gat fainensal menesmen long olgeta seksen.

PAC i painimaut olsem provinsal edministresen i yusim bikpela mani tru tasol no gat stretpela rekot i stap long soim olsem mani i go we, na i kamapim wanem wok. Olgeta rekot bilong edministresen i paul nabaut.

Insait long painimaut bilong PAC, ol i tokaut olsem Madang edministresen i yusim K394,534 long alauens bilong ol wok lain olsem travel alauens, na i givim K808,168 mani olsem kes-edvenses.

PAC i painimaut olsem mani ol i givim olsem ol edvenses inap long mak bilong K1.2 milien.

Long taim Mista Hickey i askim Madang provinsal edministreta, Ben Lange long tok klia long wanem rot tru mani ya i go aut, Mista Lange i no bekim gut toktok.

PAC i painimaut tu olsem

eria we mani i go long en em long Provinsal Mains Opis.

Madang provinsal Mains Opis dairekta, John Bivi i tokim PAC olsem mains opis we seksen bilong em i go pas long lukautim, em Kurumbukari rivais memorandum ov agrimen (MOA) riviua na long harim blong Lens Taitel Komisn (LTC) long ol toktok bilong Ramu NiCo Projek.

PAC i askim strongpela kwesten long John Bivi tu long wanem as na opis bilong em i baim K418,000 i go long Smugglers Inn hotel long Madang.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Websait: [www.wantokniuspepa.com](http://www.wantokniuspepa.com)

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius

SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius

EMTV Television Guide

MANDE FEBRUERI 3, 2014

4:00 AMG AUSTRALIA NETWORK
WITH JOYCE MEYER
EMTV NEWS REPLAY
TODAY
AUSTRALIA NETWORK
KIDS KONA
HI 5 S8 EP#36/44

TUNDE FEBRUERI 4, 2014

5:00 AM JOYCE MEYER
EMTV NEWS REPLAY
TODAY
AUSTRALIA NETWORK
KIDS KONA
HI 5 S8 EP#37/44

TRINDE FEBRUERI 5, 2014

5:00 AMG JOYCE MEYER
EMTV NEWS REPLAY
TODAY
AUSTRALIA NETWORK
KIDS KONA
HI 5 S8 EP#38/44

FONDE FEBRUERI 6, 2014

4:30 AMG AUSTRALIAN NETWORK
WITH JOYCE MEYER
EMTV NEWS REPLAY
TODAY
AUSTRALIA NETWORK
KIDS KONA
HI 5 S8 EP#39/44

9:30 PM PG ELITE MUSIC ZONE

10:00 PM G NEWS REPLAY
.....followed by the Australia Network

FRAIDE FEBRUERI 7, 2014

4:00 AMG AUSTRALIA NETWORK
WITH JOYCE MEYER
EMTV NEWS REPLAY
TODAY
AUSTRALIA NETWORK
KIDS KONA
HI 5 S8 EP#40/44

SARARE FEBRUERI 8, 2014

4:30 AMG AUSTRALIA NETWORK
EMTV NEWS REPLAY
IN HIS STEPS EP#19
TBA
YOGA CITY EP#9/13 rpt.
AMAZING SPIES - EP#11 Rpt....

10:00 AM G TRAPPED CASTAWAY

EP#14/26
10:30 AM G SKIPPY - El Toro Rpt..
11:00 AM G AUSTRALIA NETWORK
OLSEM WANEM EP#14/06
EMTV NATIONAL NEWS
GREAT ANIMAL ESCAPES EP#5/10 Re-run

SANDE FEBRUERI 9, 2014

3:30 AMG AUSTRALIA NETWORK
EMTV NEWS REPLAY
IT IS WRITTEN
HILLSONG
AUSTRALIA NETWORK
YOGA CITY EP#10/13
BUSINESS PNG# 04 Rpt.
MARTIN MYSTERY EP#27

Narapela Aizuwe brata lusim ragbi lig na kirapim Kurakum Sains



James G. Kila i raitim

AIZUWE em bikpela nem long ragbi lig insait long Goroka, Isten Hailans na tu long PNG bikos long strongpela fowat na PNG Kumul intenesenel pilai Makali Aizuwe, husat i pairag nau long Supa Lig long Inglen.

brata. Nau em i pilai long kon-trak planti yia long Inglen, pastaim wantaim Hull Kingston Rovers na nau wantaim arapela Supa Lig sait long Inglen.

long em i bikpela long Okiufaria long Goroka, Isten Hailans provins, tasol asples bilong ol stret em long Kurumbukari maunten long Usino-Bundi distrik long Madang provins.

Wantok Niuspepa i bin bungim dispela stail man long Niugini Klap long Madang taun i no long taim i go pinis taim em i wok long penim ol piksa insait long dispela klab.

Raun wantaim Wantok kru...

# TORO



# BIABIA



# KANAGE



# KROSWOD

- |              |                 |   |           |                              |
|--------------|-----------------|---|-----------|------------------------------|
| <b>Antap</b> | <b>49</b>       | Pilai musik                                   | <b>37</b> | Ol kastam lida long Nu Ailan |
| <b>1</b>     | <b>50</b>       | Atun  | <b>41</b> | Yau                          |
| <b>6</b>     | <b>51</b>       | Ol toktok                                     | <b>42</b> | Namba                        |
| <b>10</b>    | <b>52</b>       | God i sevim em long                           | <b>44</b> | Taim Jisas i kirap bek       |
| <b>12</b>    | <b>53</b>       | bikpela haiwara                               | <b>46</b> | Bihain long tu               |
| <b>13</b>    |                 | Bilong lukluk                                 | <b>48</b> | Nem bilong meri              |
| <b>14</b>    |                 |   | <b>49</b> | Lusim ples                   |
| <b>15</b>    | <b>Daunbilo</b> |   |           |                              |
| <b>16</b>    | <b>1</b>        | Yusim long rait                               |           |                              |
| <b>18</b>    | <b>2</b>        | Yunaitet Nesen                                |           |                              |
| <b>19</b>    | <b>3</b>        | I givim skul                                  |           |                              |
| <b>20</b>    | <b>4</b>        | Yunivesiti                                    |           |                              |
| <b>21</b>    | <b>5</b>        | Ailan klostu long Lahir                       |           |                              |
| <b>23</b>    | <b>7</b>        | Nem bilong man                                |           |                              |
| <b>24</b>    | <b>8</b>        | Em i sekap long ol akaun                      |           |                              |
| <b>25</b>    | <b>9</b>        | Leta  |           |                              |
| <b>26</b>    | <b>11</b>       | Kumul em wanpela                              |           |                              |
| <b>29</b>    | <b>17</b>       | Pairap  |           |                              |
| <b>31</b>    | <b>18</b>       | Lip   |           |                              |
| <b>33</b>    | <b>19</b>       | I kuk pinis                                   |           |                              |
| <b>34</b>    | <b>20</b>       | Bilong opim dua                               |           |                              |
| <b>35</b>    | <b>21</b>       | Ol rul  |           |                              |
| <b>38</b>    | <b>22</b>       | Taun long Lahir                               |           |                              |
| <b>39</b>    | <b>27</b>       | Twelvpela mun                                 |           |                              |
| <b>40</b>    | <b>28</b>       | I rausim tudak                                |           |                              |
| <b>42</b>    | <b>29</b>       | Sainim ol pepa long mekim wok                 |           |                              |
| <b>45</b>    | <b>30</b>       | God i sevim em long                           |           |                              |
| <b>47</b>    | <b>32</b>       | Sodom na Gomorah                              |           |                              |
| <b>48</b>    | <b>33</b>       | Wewak i biktaun bilong dis pela Sepik provins |           |                              |
|              | <b>34</b>       | Begin   |           |                              |
|              | <b>36</b>       | Spik  |           |                              |
|              |                 | Pikinini Sepik                                |           |                              |

# SUDOKU

1	7	2	6	4	5	8	3	9
3	8	6	2	7	9	1	5	4
5	9	4	3	8	1	6	7	2
7	6	9	5	2	3	4	8	1
4	1	3	8	9	7	2	6	5
2	5	8	1	6	4	7	9	3
9	2	7	4	3	8	5	1	6
6	3	1	7	5	2	9	4	8
8	4	5	9	1	6	3	2	7

Ansa bilong las wik Sudoku # 30

8			9	7		4	5	
3	5					8		
7				1			3	2
					8	5	2	3
			3	6	7			
1	8	3	2					
2	9			8				5
		8					7	1
4	1		3	2				9

Ansa bilong Sudoku # 31 neks isu

	F	A	M	I	L	I		H	
B	O	M		N	I	N	A	A	
	T	I		S	P	I		M	
A	N		I	A		A	S	A	
N	A	I	S	I	M			D	
S	I	N		T	I	N	P	I	S
A	T	U	N		R	E	S		
	S	O	L	A	P			A	I
S	I	N	O		A	P	I	L	
U		V	I	T	U	S		N	A

Ansa bilong las wik kroswod

1	2	3		4	5		6	7	8	9		10	11	
12				13				14						
		15						16			17			
	18						19							
20			21			22			23					
24						25								
				26						27		28		
29		30				31	32		33					
					34				35		36		37	
				38							39			
40	41				42				43	44				
45			46					47				48		
				49						50				
					51							52		53

# Raun wantaim Kanage olgeta wik



**Teksim Wari, Tingting, Painim Pren, Wantok o Pas bilong yu i kam nau.. Digicel namba: 7235 6149**

**Dia Wantok Niuspepa**, mi laik soim bel sori bilong mi long PNG gavman. Mi lukim long fran pes bilong *Nesanel Niuspepa*, we em i tok long det penelti. Mi wari long dispela pasin kamap long PNG, long wanem, mi bilip DET PENELTI bai i no inap pinisim hevi bilong lo na oda long Kantri. Det Penelti bai i kamapim bikpela hevi moa. Mi laikim gavman wok klostu wantaim sios long painim ansa kam long God.

**Thai – Madang - 29/01/2014**

**Dia Wantok Nius**, mi wanpela wod kaunsela, waria LLG long Morobe Provins. Mi sapotim Hon. Presiden bilong Wapenamanda LLG. Gavman givim K500,000.00 long wan wan LLG em i no inap. Gavman em ol pipel i makim na ol papa bilong gavman, sapos K1milien, ating em i orait olgeta. tenkyu.

**Wod Counselor Waria LLG, Morobe Provins – 29/01/2014**

**Dia Wantok Niuspepa**, mi wanpela strit mangi. Mi laik tok olsem, ol gavman o lida i save sutim tok long narapela long wanem samting? Oposisen na gavman, tupela yet save mis yusim mani bilong kantri na hat long lukluk long kain man olsem mi. So larim ol i yusim bilong wanem ol gavman i hat long stretim ol mangi olsem mi. Tenkyu.

**Dia Wantok Nius**, wari bilong mi i olsem, planti hevi i kamap long hombru o stim na drak so nogat inap polisman long ilektret na provins so inap Is Sepik Provinsel Gavman i putim ol eksilari polis kam bek long wok, ol bin wokim gutpela wok. Tenkyu.

**Dia Wantok Nius**, nem bilong mi Linda Siau Hikar. Mi bilong Wes Kerema (Ihu) na mi marit long Simbu – Kerowagi. Mi lus kontek wantaim ol lain bilong mi long Mosbi na Kerema. Plis ringim mi long dispela namba 7208 9077 na mi ken stap wantaim yupela.

**Tenkyu, Linda - 02/02/2014**

**Dia Wantok Niuspepa**, mi man na mi bilong nebilyer long WHP. Mi amamas long toktok bilong jastis minista Mr. Kerenga Kua em kamap long *Wantok Niuspepa*, long Novemba 28, 2013. EM i tok long gavman bai sainim planti ol nupela lo bai kamap long neks yia olsem na mi gat bikpela amamas. Em tasol, tenk yu.

**06/01/2014**

**Dia Wantok Nius**, mi wari olsem planti bilong ol manmeri insait long kantri bilong yumi PNG. Laip bilong ol i bagarap pinis long ol yus bilong ol mobail fon tasol, bikos paul pasin long marit manmeri na yangpela i kamap bikpela tru insait long famili na haus lain tu. So PNG gavman inap lukluk long ol dispela kain hevi wok long kamap long kantri na min- imaisim na kontrolim ol Bisnis Hed Grup long wokim ol seils bilong mobail fon insait long kantri bilong yumi long stopim ol kain hevi long PNG em wanpela Kris- ten kantri.

## Mangi Papua

Kanage i save stap long Mosbi. wanpela wiken, boi kalap long balus na go long Rabaul. Em i go long lukim ol bagarap maunten paia i kamapim. Balus i go kamap long Rabaul ples balus na Kanage lusim balus na go arasait. Em i lukim wanpela yangpela meri tolai sanap ausait long tem- inel na em i askim meri long tok inglis olsem, "Hey lady, is this Rabaul town" Meri tolai kirap na bekim. "Em nau." Kan- age paul na askim gen na meri ya i mekim wankain toktok. Kanage belhat na tokim dispela yangpela meri Tolai olsem, "Oh no. it seems that she is trying to trap me. This is not Rabaul. Em i tok olsem pinis na kalap long balus na go bek long Mosbi. Samting tru i olsem Kanage i no save long tok pisin. Em i save long tok inglis tasol. Watpo? Bikos em i bilong Papua yah.

## Lapun Hookworm

## Tripela pans

Kanage em bilong Kaiti Yango long La- iagam, Enga provins. Kanage i gat wanpela poroman, Wakop. Tupela i poro longpela taim tru. Ol i stap go na tupela wantaim maritim tupela meri long ples. I no long- taim na meri bilong Wakop karim wanpela pikinini man na bihain wanpela pikinini meri. Kanage lukim dispela na em tingting planti, 'Long wanem na meri bilong brata bilong mi karim tupela pikinini hariap tru na meri bilong mi nogat?' Em nau Kanage go long lukim Wakop na tokim em, "Mi bai rausim meri bilong mi. Meri bilong yu karim tupela pikinini na meri bilong mi i no inap karim pikinini bilong mi." Wakop tokim em, "Yu save wanem? Mi bin givim dapol pans long meri bilong mi na em karim tupela pikinini bilong mi hariap tru. Sapos



mi bin givim tripela pans, em bai karim tripela pikinini." Kanage tokim poro bilong em, "Mi laik givim tripela pans long meri bilong mi long karim tripela pikinini. Bai mi givim tripela pans olsem wanem?" Poro bi- long em isi tasol tokim em, "Yu go long meri bilong yu na givim long ol rot we mi bai tokim yu."Wakop tokim Kanage pinis na Kanage siksti go long haus. Kanage go long meri bilong em na laik givim tripela pans na meri bilong em bikmaus, "Husat tokim yu olsem?" Meri ya kisim wanpela hap palang na paitim Kanage.

**Boni Pakamu Kaiti Yango**

## Holim strong

Kanage em bilong Watom ailan long Is Nu Briten provins. Wanpela taim, ol bikman long ples askim Kanage long go wantaim ol long Rabaul taun. Ol kisim moto kam long ples Vunavulile na go sanap long rot wetim kar stap. Wanpela waitman draiv kam na ol stopim em. Waitman askim ol, "Where are guys going?" Narapela yangpela mangi tokim em ol laik go long Rabaul taun. Kwan, waitman tokim ol long kalap. Yangpela mangi tokim ol biklain long kalap na em yet bai sindaun long fran long wanem em save long Tok Inglis. Tasol nogat. Kanage tokim em long sindaun wantaim ol lapun long bak- sait. Kanage kalap long fran na ol ron go. Ol ron go abrusim Vuvu na ren pundaun. Waitman ya tokim Kanage, "Please, wind

up your window." Kanage kirap singaut go long ol lain long baksait, "Ol lain, waitman tok olsem holim strong!" Ol ron go long kona bilong Nonga Haus Sik na waitman ya askim Kanage gen, "Please, wind up your window." Nogat. Kanage kirap singaut gen long ol lain long baksait, "Aiya, yupela holim strong." Ol ron go na waitman ya belhat long wanem ren wasim insait bilong kar. Em singaut long Kanage, "Wind up your window now!" Tasol nogat. Longlong Kanage singaut long ol lapun long baksait, "Waitman tok kalap go ausait nau tasol." Kanage tasol mekim na olgeta lapun kalap na kisim bagarap long ol as bilong ol banana.

**Mambu Wantok Bilong Yu Yet**

## San na mun

Kanage wantaim poroman bilong em Orike pilai snuka long haus bilong Kanage. Sam- pela meri Kerema go long haus bilong Kan- age long kisim wara long paip wara bilong Kanage long wanem ol nogat wara long hap bilong ol. Orike lukim ol meri Kerema wok- about go arere long haus na em giaman na tokim Kanage, "Aiyo, perendo! Bikpela kus- stret pas long trausis bilong yu ya!" Kan- age paul olgeta na hariap tru rausim traus- sis bilong em. Ol meri Kerema lukim Kanage sanap as nating na wanpela bilong ol tok, "Aiyo, san tasol bikpela mun kam- aut." Kanage harim olsem na bekim, "Sapos mun i sain long ai bilong yu, yu bai tingting na pilim olsem yu stap long mun ya." Meri ya harim bekim bilong Kanage na em tok, "Ating mun ya i mas i gat strong- pela lait bilong paulim tingting bilong man- gen ya."

**Wopa Mote Mosbi**

**Ol skwat! Teksim ol gutpela Kanage tok pilai i kam long: Txt: 72356149**

# Cousins

Dia Laiplain,

KASEN sista bilong mi I save gat laik long mi na em i laik bai mitupela i marit . Tasol mi save ting em i no gutpela samting long mekim, long wanem papa bilong em na mama bilong mi em tupela i brata na susa.

Long taim bilong skul malolo long ples, em i save askim mi long mekim pasin no gut wantaim em. Dispela kain samting i kamap planti taim nau.

Nau mi stap long taun, tasol em i save rait i kam na tok olsem, em i laik maritim mi taim mi pinisim skul. Em i no wari olsem mitupela ol kasen na em i tok tu olsem, em bai i kilim em yet sapos mitupela i no marit. Bai mi mekim wanem nau?

Cousins

Dia Pren,

Tingting yu mekim em bai i hat liklik bi- long wanem yu nau gat wok long mekim. Dispela em bikos yu mekim pasin nogut wantaim kasen susa bilong yu planti taim pinis. Tasol yu tu wari long samting bai kamap sapos yu no maritim em.

I mobeta, yu askim tingting long famili bi- long yu long hevi yu gat long em nau. Kasen



susa bilong yu tu i save long wanem samting bai kamap taim tupela fes kasin i marit tu o nogat? Kain olsem ol pikinini bilong yutu- pela bai i nap kamap gut o no inap mekim samting kwik taim. Planti kalsa i gat ol kas- tom long marit namel long fes kasin na long dispela as tasol.

Kalsa long hap bilong yu i olsem wanem? Sapos kalsa bilong yu i wanbel long dispela kain marit, orait yu ken go het long autim tru- pela laik pasin long kasin susa bilong yu.

Sapos yu no inap o i no laik long maritim kasin susa bilong yu, orait yu ken raitim wanpela leta na toksave long em. Yu ken rait i go long Papa Mama bilong yu na toksave long ol long hevi we yu stap long em. Dis- pela tu i ken helpim ol save long wanem samting i wok long kamap na i gen traim long helpim yu wantaim nis bilong mama bi- long yu bilong wanem, ol i wari long samting bai kamap sapos yupela i stretim dispela hevi.

Wankain tu, long toktok bilong kasin susa bilong yu, yu ting em i bai mekim tru o

nogat? Sampela pipel i save mekim dispela kain tok tok long winim lewa bilong ol man tasol i min ol i no save mekim tru. Long ol arapela wei, sapos yu nogat laik long mar- itim em, i gutpela long tokaut klia long wan- pela pren o lain bilong meri long filin em i gat long en we ol i ken stap long sapotim na kaunsilim em.

I gat taim stap we bai yutupela i ken stre- tim yutupela yet na tokaut long wanem samting o hevi yutupela i wok long bungim nau. Nau yet tu i mobeta sapos yu i ken stat mekim prensip wantaim ol yangpela man na meri long hap bilong yu na tokim kasin bi- long yu long mekim wankain tu.

Pren bilong yu,

Laiplain

**Sapos yu gat wari, rait i kam long Life- line, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.**

**Laiplain**



# 2014 Awenes bilong Ramu NiCo Projek stat long Inlen Paiplain

**O**L MANMERI long impekt eria o eria we Ramu NiCo Projek mekim wok long en i mas save gut na kisim gutpela na stretpela infomesen long wanem wok, developmen o senis kampani i mekim.

Dispela em as-tingting bilong 2014 Awenes Progam bilong Ramu NiCo we wanpela tim bilong Komyuniti Afes na Envairomen seksen bilong Helt, Sefti na Envairomen (HSE) i bihainim long karimaut awenes.

Dispela tim bai karimaut 10-pela de awenes long Inlen Paiplain (Maigari). Stat long Januari 15, 2014 awenes tim i bin stat long Usino gavman stesen we ol i givim tok-tok long 18-pela kansol membas bilong Usino LLG. Dispela awenes i karamapim ol toktok long Ramu NiCo Projek.

Bihain long hap, awenes tim i bin go givim toktok long Kawawar, Ono na Bribrie we klostu 100 manmeri i bin stap long harim ol toktok. Bihain long hap tim i bin go mekim awenes long Naru, na bihain ol bai go long Igiruwe, Usino stesen, Usino bik-ples na Usino mausrot.

Dispela awenes em gutpela rot long bringim infomesen long wanem wok Ramu NiCo i mekim long wok operesen bilong en, we ol pipel insait long Projek eria i mas save gut.

Dispela awenes bai go olsem long ol Kostal Paiplain komyuniti, Basamuk, Kurumbukari, Ramu Riva, Madang na ol skul na koles insait long Madang provins.

Narapela bikipela as-tingting bilong Ramu NiCo awenes em long kamapim gutpela na kliat tingting na save long ol pipel long ol impekt eria long operesen o wok bilong Kampani. Moa long en tu awenes bai bringim gutpela wok-bung o komyuniti rilesens wok namel long ol komyuniti wantaim Kampani, na bikipela samting em sait long envairomen (bus, graun, wara na solwara) we ol manmeri i mas save.

Kain awenes i ken opim tingting bilong ol pipel long wanem wok i kamap na ol pipel i ken save gut na redi long kisim senis i kam we bai helpim ol long lukim sosel na ekonomik developmen long femili, komyuniti na sosaiti bilong ol.

Narapela bikipela samting tu em taim moa awenes na infomesen i go aut long ol pipel, ol pipel bai sanap baksait long Projek na sapotim ol wok kamap na gutpela nem bilong Kampani bai stap wantaim ol pipel oltaim.

HSE Envairomen opisa, Jennifer Goari i tok olsem dispela awenes em gutpela long ol pipel i save long wanem ol wok HSE lain i wok bihainim long gutpela blong envairomen.

Em i tok awenes em gutpela long tokaut na toksave long ol pipel olsem Ramu NiCo i wok bihainim kondisen o permit Gavman i givim long Ramu Projek aninit long Operesinol Envairomen Menesmen Plen (OEMP). Na insait long OEMP i gat 20-pela

sab-pelen we HSE Dipatmen bilong Ramu NiCo i save bihainim long stretim ol wok we Gavman i laikim i mas kamap. Sampela long ol dispela em long sait long lukautim, bus, graun na wara, kontrolim das na nois na ol arapela.

Na kontrolim das long ol rot em wanpela long ol sab-pelen insait long OEMP, we Dipatmen ov Envairomen na Konsevesen (DEC) i laikim i mas kamap oltaim bihainim pemit o tok-orait Gavman i givim long divelopa bilong Projek, Ramu NiCo long bihainim.

OEMP i gat 20 sab-pelen we i stap we Projek divelopa, Ramu NiCo insait long Helt, Sefti na Envairomen Dipatmen bilong en i wok long karimaut ol wok we i mas bihainim pemit kondisen bilong DEC. Dispela em bikos taim das i go aut em i ken kamapim hevi na sik long helt bilong ol pipel insait long Projek eria, na dispela em DEC i no laikim aninit long kondisen.

Planti ol toktok ol awenes tim bai wokim em gutpela long ol pipel i mas save gut na noken harim ol giaman na mauswara bilong ol non-gavman ogenaimesen husat i save raun long bagarapim tingting bilong ol pipel long stopim developmen.



1. Awenes i bin kamap long Moimara long las yia.
2. Awenes long Mundip tu bai kamap.
3. Awenes long Sepu arere long Ramu Riva.



## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

**Ol dispela namba i soim kliat mak bilong wok mipela i pinisim:**

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**'Wanpela  
Ramu NiCo,  
Wanpela  
Komyuniti'**



# Strongpela ikonomi bai helpim ol provins

## Maru laik sekap long South Sea Tuna Keneri

### Stanley Nondol i raitim

**PAPUA Niugini i gat planti risos na long taim winmani bilong kantri i wok long go antap bai i helpim baset bilong wan wan provins long go antap tu. Tasol ol provinsal na distrik edministreta wantaim ol pablik sevan long provins i mas wok strong long kirapim wok divelopmen.**

Minista bilong Tresari Don Polye i tokim ol provinsal gavana na edministreta olsem ol i no ken westim taim na i mas hariap long mekim ol bikipela projek long helpim ol pipel.

Minista Polye i tok kantri i gat planti risos na winmani i wok long gro. Em i tok long taim gavman i kisim planti mani bai em i ken givim planti mani i go long wan wan distrik na provins long stretim ol bikipela samting olsem ol rot, bris, skul, haus bilong pablik sevan, na helpim ol manmeri long kirapim liklik wok bisnis.

Minista Polye i tok prais bilong gol, kopa na ol egrikalsa bisnis i pundaun long wol maket long 2013. Tasol em i

tok bikipela winmani i kam long takis na ol arapela eria na dispela i apim baset bilong kantri.

LNG projek na ol arapela wok bilong maining bai kamapim bikipela winmani long 2014 na ol yia i kam bihain. Em i tok mani bilong dispela bai sapotim baset bilong ol provins na distrik.

Edukesen, helt na infrastraksa i kisim bikipela hap mani bilong baset bilong ol provins i givim baset pepa bilong 2014 i go long Dipatmen bilong Tresari.

Minista Polye i tok em i sainim warent bilong 2014 pinis na em singaut long ol 6-pela provins husat i no givim baset yet long hariap na givim. Ol dispela provins em NCD, Westen Hailans, Is Sepik, Sauten Hailans, Isten Hailans, na Sentral provins.

Ripot bilong Tresari i soim olsem long 2013 gavman i yusim namel long 30 na 40 pesen bilong developmen baset long mekim ol wok. Dispela i no go gut wantaim tingting bilong O'Neill gavman long mekim 2013 yia bilong implementesen o yia bilong mekim wok divelopmen.



Minista bilong Tresari Don Polye.

Tresari i lukluk nau long strongim wok long 2014 na lukim olsem 50 pesen bilong 2014 baset i mas karim kaikai long namel bilong yia.

Mista Polye i tok gavman i givim bikipela mani long ol distrik na provins na ol edministreta na pablik sevan i mas mekim wok olsem bai ol pipel

i ken kisim sevis. Em i tok ol i no ken paulim long mani long pasin bilong korapsen.

Wanpela bikipela samting Nesenel Plening i gat wari long en, em gavman i mas yusim stret mani bilong baset no ken yusim mani long ol wok we i no stap insait long baset.

MINISTA bilong Tred Komes na Industri na memba bilong Yangoru Saussia, Richard Maru i givim tok orait long wanpela wok painimaut bai kamap long ol wok bilong Saut Si Tuna Keneri long Wewak, Is Sepik provins.

Saut Si Tuna Keneri em kampani bilong Taiwan na ol i statim dispela keneri faktori long 2002. Ol i save rausim skin na bun bilong tuna na salim i go long ol ovasis keneri kampani long kamapim tin pis.

I gat bikipela komplem olsem kampani i no bin baim dividen i go long Is Sipik provinsal gavman long taim ol i stat wok long 2002 i kam inap nau. I gat komplem tu olsem kampani i no kisim ol sia ol LLG i baim long mani bilong gavman.

Mista Maru i tok bilong wanem na kampani i wok long mekim dispela pasin. Em i askim sapos kampani bin mekim winmani long dispela bisnis o nogat.

"Sampela taim dispela kain pasin i no stret na i kirapim planti tingting egensim wok bilong kampani." Mista Maru i tok.

Mista Maru i tok investigesen tim bai kamap long tupela wik na mekim wok painimaut long wok bilong kampani.

Em i tok investigesen komiti bai i gat ol lain bilong

Intenel Revenu Komisn (IRC), Dipatmen bilong Envaironmen na Konsevesen, na ejensi bilong Dipatmen bilong Tred, Komes na Industri.

Long wankain taim Minista Maru i tokaut olsem agrimen bilong gavman long RD Tuna Keneri long Madang provins bai kamap long ol wik i kam.



Minista bilong Tred Komes na Industri na memba bilong Yangoru Saussia, Richard Maru.

# InterOil i laik stap long PNG

### Stanley Nondol i raitim

INTEROIL i tok em i amamas long kamap wanpela oil na ges kampani bilong Papua Niugini na kamapim moa wok long strongim bisnis i gro bikipela.

InterOil i tok em i pasim opis bilong en long Cairns, Australia bikos bikipela wok bisnis bilong en i stap long Papua Niugini. Em i tok planti wok manmeri bai ol i kisim wok long kantri.

InterOli i gat moa long 1000 wokmanmeri long kantri long kain kain eria bilong wok olsem driling, lojistik na ol savelain bilong komyuniti rilesens. Ol i gat ol draiva, ensinia, konstraksen woka, sevis stesin woka

Ol dispela wokman meri i kisim pe na sapotim planti famili long kantri.

InterOil i tok em i gat planti bisnis olsem eksplorasen, rifaineri, na distribusen bilong fuel. Ol i sapotim winmani bilong gavman long baset long planti yia na wok long helpim pipel bilong Papua Niugini long kisim sevis long ol neturel risos i stap long graun bilong ol.

InterOil i tok em i go het long mekim planti bikipela i developmen. Wanpela bilong en em namba tu LN projek long Galp provins em i bin sainim wantaim Total SA, kampani bilong Frans.

Em i tok taim namba tu LNG wok i kirap bai lukim gavman na siaholda i

kisim bikipela sevis long 22.5 pesen takis na royalti.

InterOil i tok ol risos i bilong PNG na bai senis i kamap mani long ol pipel bilong kantri i ken kisim sevis.

InterOil i tok em i rispektim envairomen long nem bilong wok bisnis. Em i tok em bai wok klostu wantaim ol papagraun na provinsal gavman long givim bikipela luksave long ol papagraun long envairomen bilong ol taim bisnis i kirap.

Kampani i tok moa olsem gutpela nem bilong kampani i bikipela samting na em bai mekim stretpela pasin long givim wok long ol pipel, givim takis long gavman na luksave long papagraun.

InterOil i tok em bin wok bung wantaim PNG long 17 yia long gutpela na taim nogut na i tok em bai stap yet long planti yia bihain.

LNG projek bai kisim samting olsem 20 - 30 yia na kampani i tok i gat planti wok bisnis i kamap na em bai stap planti yia long kantri long wok wantaim gavman, ol papagraun na ol patna long developim kantri.

Wankain taim interOil i tokuat olsem klostu taim bai em i statim namba wan dril long 8-pela wel long Glap provins wantaim US\$ 325 milien bilong driling program.

Namba wan wel bilong dril em long Wahoo 1 long PPL 236, Raptor 1 long PPL 237, Bop Cat 1 long 238 na Antelop 4 long PRL 15 long InterOil Elk-Antelop ges fil.



Roses are red  
The sky is blue  
Come fly our way  
To somewhere new

## CELEBRATE VALENTINES WITH OUR LOW FARES

Buka	↔	Kavieng	K 460
Goroka	↔	Mt. Hagen	K 209
Goroka	↔	Tabubil	K 509
Goroka	↔	Kiunga	K 529
Kimbe	↔	Madang	K 499
Lae	↔	Buka	K 479
Lae	↔	Goroka	K 209
Lae	↔	Alotau	K 499
Lae	↔	Kavieng	K 399
Lae	↔	Popondetta	K 319
Port Moresby	↔	Buka	K 519
Port Moresby	↔	Kimbe	K 339
Port Moresby	↔	Kavieng	K 449
Port Moresby	↔	Madang	K 349
Kokopo	↔	Buka	K 279
Kokopo	↔	Kavieng	K 249

Fares are one way and for travel between 4th February and 28th February, 2014. Booking period is between 4th to 14th February, 2014. No advance purchase. Normal fare class rules apply. Seats are limited.

CALL US ON 7222151  
or go to [www.apng.com](http://www.apng.com)

Airlines PNG

www.apng.com

# NARI putim strongpela tambu

OL KWARENTIN opisa long Madang i mekim strongpela tok lukaut na putim bikipela was nau long olgeta lain i go aut long Madang long no ken karim ol nupela banana, buai na saksak na tu ol plawa i gat graun long en

Ol i mekim dispela bikos sik no gut bilong kokonas ol i kolim Bogia Kokonas Sindrom (BCS) i kamap pinis long ol arapela pam diwai olsem buai, saksak na tu long banana.

Olsem na ol i putim bikipela tambu long ol pipel i karim ol dispela samting long Madang i go long arapela provins long PNG.

Long nau yet bikipela sekap ples i stap arere long Tapo wara long Madang-Ramu Haiwe long sekim ol kar na PMV na rausim ol dispela samting long go aut long Madang provins.

Nesenel Agrikalsa Kwarantina na Inspeksen Atoriti (NAQIA) i tokaut long wanpela ripot olsem dispela sik BCS i no gat marasin bilong stopim. BCS i ken kilim indai kokonas bisnis long PNG, sapos ol pipel i no was gut na karim sik ya i go aut long ol narapela provins.

Nau yet ol egrikalsa savemen bilong NAQIA, Dipatmen ov Egrikalsa na Laipstok (DAL), PNG Kakao na Kokonas Institut (PNGCCI) na Kopra Industri Kopresen (KIK) i wok long mekim bikipela wok bilong sekap long Tapo long rot i go olsem long Madang-Ramu Haiwe.

Ol opisa bilong NAQIA, DAL na

ol arapela lain i tokaut olsem ol opisa bai sanap yet long Tapo sek-poin na sekim olgeta kar na trak i go aut long Madang.

Bikipela tambu i stap yet olsem ol samting i gat lip na kru long hap bilong Bogia i tambu tru long go aut long Madang provins. Bikipela banis i stap nau long stopim dispela sik Bogia Kokonas Sindrom (BCS).

Wanpela entomolojis o saveman bilong NAQIA i tok ol i luksave long mak bilong dispela sik nogut bilong kokonas 15-pela krismas i go pinis.

Em i tok dispela sik nogut em wankain olsem haipa-plasma tasol em i bikipela moa na ol pasin bilong en i wankain.

Long dispela sik bilong kokonas BCS, lip bilong kokonas bai dail na ol namel bilong kokonas tasol bai sanap.

“Em save kisim samting olsem tripela o foapela mun long kokonas i dai,” saveman bilong NAQIA i tok.

Insait long Madang provins, planti fama i wok long lusim kokonas plentesen bilong ol i go bus nating bikos prais bilong kokonas i go daun na ol i les long wokim kopra.

Long Madang yet, bikipela prodaksen bilong kopra i save kam long Sumkar na Bogia distrik bikos planti ol bikipela plantesen i stap long hap. Narapela distrik tu em Raikos, tasol hevi long trenspot i stopim rot bilong ol fama long Raikos i go salim kopra bilong ol.



Ol opisa i rausim ol nupela banana na plawa na katim na rausim ol long ol pasindia bilong PMV trak.

## Pik i stretim pasin kastom na kamapim mani

**Veronica Hatutasi i raitim**

PIK em i bikipela samting long pasin kastom bilong PNG na Melanesia.

Long wankain taim tu, em i wanpela bikipela rot long kisim mani long en.

Olsem long ol narapela hap bilong PNG, ol Bogenvil pipel i save lukim pik olsem bikipela samting taim ol i wokim bel isi pasin, kaikai bilong marit, dai na ol arapela bikipela samting moa.

Wokabaut bilong Prais Minista, Peter O'Neill long Bogenvil las wik i lukim planti pik ol pipel i bringim long tok welkam long praim minista, dispela i kuk long kaikai na tu, long wokim pasin kastom wantaim.

Stat long Buka ples balus i go long Buka Taun, Buin, Arawa na Panguna, pik i bin stap olsem we bilong stretim wokabaut bilong praim minista, ABG presiden na grup ol i raun wantaim.

Long stap bilong tude, pik i wanpela bikipela rot long kisim mani long en.

Ol ples lain i lukautim pik i save gat mani long baim skul fi samting long ol skul pikinini.

Bihain long Bogenvil hevi na ol rot bilong kisim mani long en i pas, sampela famili i wok long lukautim pik long kisim mani long en.

Pe bilong pik em ol i skelim long sais bilong en na i ken stap namel long K200 na K1,000 o l go antap long K2,000.



**PIK NA MAIMAI:** Ol maimai o bikman bilong Nu Ailan i bin stap long deligesen bilong Prais Minista, Peter O'Neill, i go long Bogenvil. Hia wanpela maimai i mekim klia olsem pasin kastom na pik i bikipela samting long stretim ol hevi. Presiden Sif Dokta John Momis na sampela bikman na pipel i harim toktok i stap. **Poto: Veronica Hatutasi**



**PIK NA MOA PIK:** Aiyoo! Ol draipela mama bilong pik na ol arapela kaikai olsem i bin pulap long tok welkam long wokabaut bilong Mista O'Neill long olgeta hap bilong Bogenvil. **Poto: Veronica Hatutasi**

## Kimisopa laikim tupela ilektoret long Goroka

**Sape Metta i raitim**

BIKPELA populesen bilong ol pipel long Goroka distrik i wok long gro yet, na sampela tingting i kamap nau long brukim na kamapim tupela ilektoret.

Wanpela memba tasol bai i no inap long lukautim dispela bikipela namba bilong ol pipel bilong Goroka inap long mak bilong wan handet tausen (100,000).

Memba bilong Goroka, Bire Kimisopa i tok strong olsem em bai bringim dispela tingting i go long palamen na toktok strong long kamapim tupela ilektoret.

Mista Kimisopa i tok, “Lukluk long dispela bikipela namba bilong ol pipel, na olsem wanpela memba

tasol long bringim gavman sevis i go long ol, em bai hatwok tru. Olsem na i gutpela moa sapos Goroka ilektoret i ken bruk na kamap tupela ilektoret na kisim tupela memba long lukluk na bringim sevis i go daun long ol pipel.”

Em i tok, nau yet sapos gavman i wanbel long kamapim tupela ilektoret, em bai sevim gut ol pipel bilong Goroka.

Mista Kimisopa i tok sapos ilektoret i bruk i go long tupela hap, wanpela i mas kamap Goroka eben ilektoret na narapela bai Goroka o Gahuku Rurel ilektoret.

Em i tok ol pipel bilong tupela ilektoret bai i ken kisim gavman sevis i kam long tupela memba na i no wanpela memba tasol.

## ANZ kisim luksave bilong Esia Pasifik

ANZ i kisim luksave long Esia Pasifik olsem Benk bilong yia 2013. Dispela luksave i kam long rida na edita bilong THOMPSON Teuters' Projek Fainens intenesenel megesin ( FIM)

Hetman bilong ANZ global projek na straksa fainens Paul Finn i tok benk i kisim bikipela luksave long ol kastama, na kampani na dispela em i wanpela bikipela luksave long projek fainens maket long wol.

Dispela awod i luksave long eria bilong ol bikipela wok na prodak na sevis ANZ i save givim long planti hap long wol wantaim ol

bikipela wok bilong em long haidropawa long Xe Pian Xe Namnoy haidropawa projek long Laos na long ekspensen projek bilong Mosbi ples balus long PNG.

Mista Finn i tok insait long Australia, ANZ i stap klostu long olgeta PF dil long 2013 na i bekim dinau bilong ol bikipela infrastraksa, riniuebel eniji na PPP dil.

Mista Finn i tok ANZ i kisim bikipela luksave namel long ol arapela bikipela benk long Australia, Japan, Yurop na Esia. Dispela em bikipela samting na gutpela nem kampani i kisim long fainens maket long wol.



# OI PNG etlit kisim K500, 000

**Isaac Liri i raitim**

MINISTA bilong Spot, Justin Tkatchenko i tok olsem Praim Minista na gavman bilong Papua Niugini i luk-save long ol etlit bilong kantri olsem na i givim mani i go long ol.

OI PNG etlit husat i bin go pilai long Mini-Pasifik Gems long Wallis na Futuna las yia i kisim K500, 000 long Gavman, na ol bai i brukim namel long ol yet.

Presiden bilong Papua Niugini Olimpik Komiti (PNGOC), Sir John Dawanincura i bin askim gavman long givim mani long sapotim ol PNG etlit, na Gavman i amamas na givim mani.

"Mi amamas tru long lukim olsem PNGOC i kisim sapot long Gavman long lukautim ol etlit bilong kantri, na mi gat gutpela as long smail," Sir John Dawanincura i tok.

OI PNG Etlit husat i bin pilai long Mini-Pasifik Gem las yia i bin pilai long 7-pela spot. Dispela 7-pela spot em, Etlitiks, Taekwondo, Weiltifting, Bits Volibal, Indo Volibal, Sailing na Ragbi Sevens.

Papua Niugini i bin kamap namba wan long dispela Mini-Pasifik Gems taim ol i kisim 30 gol, 26



Minista bilong Spot, Justin Tkatchenko, na Vais-Presiden bilong PNG Olimpik Komiti, Richard Kassman i stori wantaim wanpela yangpela memba bilong tim PNG husat i bin pilai long Mini-Pasifik Gems long Septemba long las yia. **Poto Nicky Bernard**

Silva, na 31 brons. Minista Tkatchenko i tok olsem dispela em i gutpela mak bilong Papua Niugini long 2015 Pasifik Gems.

Long ol arapela risal, Tahiti i bin stap namba tu wantaim 26 gol, 9 silva na 5 brons. Na Nu Kaledonia i bin stap namba tri wantaim 21 gol, 13 silva na 9 brons.

OI PNG etlit husat i bin

kisim gol medol bai kisim K2000, ol dispela husat i kisim silva bai kisim K1750, na ol dispela husat i kisim brons bai kisim K1250.

Narapela bikpela sapot we PNGOC wantaim ol PNG etlit i save kisim, em long Nesenel Gaming Kontrol Bod (NGCB). Na long dispela as, Sir John Dawanincura i amamas na

tok tenk yu long sapot bilong ol.

Long makim maus bilong NGCB, nupela Ekting Siaman bilong NGCB, Leslie Hoffman i tok olsem ol i luk-save long wok bilong ol etlit bilong kantri, na long dispela as, ol i save laik sapotim PNGOC, long wanem, PNGOC i save lukautim ol etlit bilong Papua Niugini.

## Tsaka amamas long sapot bilong MRDC

**Isaac Liri i raitim**

SIAMAN bilong Papua Niugini Ragbi Futbal Lig (PNGRFL), Sandis Tsaka i tok las wik olsem MRDC bai i stap olsem wanpela sponsa bilong ol PNG Hanta long dispela yia long Intrast Supa Kap.

Logo bilong MRDC bai i stap long jesi bilong ol Hanta long taim ol i pilai long Papua Niugini, na tu long ovasis.

Tsaka i tok olsem i gat wanpela moa spes i stap bilong husat kampani i laik stap olsem sponsa. Em i tok husat kampani i gat laik long stap olsem sponsa i mas hariap na tok save.

"Mi laik tok tenk yu long MRDC long soim mipela long PNGRFL olsem ol i laik sapotim mipela. MRDC i luk-save olsem ol Hanta bai i karim nem bilong kantri, na long dispela as, MRDC i soim intres long stap olsem wanpela sponsa," Mista Tsaka i tok.

Long lukluk bilong PNGRFL, olgeta memba i amamas long lukim olsem planti kampani i gat laik long givim sapot.

Mista Tsaka i tok olsem i dia tru long stap insait long Intrast Supa Kap, na helpim bilong ol kampani olsem MRDC i mekim na program i ran gut tasol.

## Works winim Pablik Sevan Netbal

**Isaac Liri i raitim**

LONG Sarere las wik, Bisini netbal kot long NCD i bin lukim wanpela strongpela netbal gren fainel namel long Dipatmen ov Woks na tim NBC.

Dispela tupela tim i bin ol strongpela tim long Pablik Sevan Netbal Kompetisen, na tupela i bin bung long gren fainel. Ol i kamapim wantaim wanpela strongpela pilai we i bin mekim ol sapota i amamas na singaut i go i kam.

Sko long pinis bilong namba wan hap i bin stap 13-13, tasol bihain long namba tu hap, Dipatmen ov Woks i wokim sampela senis long ol posisen bilong ol pilai na strongim difens bilong ol.

Dipatmen ov Woks i bin winim NBC 26-24.



Tim Woks i amamas wantaim nupela yunifom bilong ol. Tim Woks i bin pilai long dispela nupela yunifom na winim gren fainel.



## 2014 em yia bilong kamapim gutpela plening long spot

Sapos yumi laik ogenaisim ol komyuniti spot long ol wan wan eria bilong yumi insait long kantri, yumi mas mekim eksen stret na no ken toktok long maus tasol.

Dispela tok save em i go long olgeta spot komiti insait long kantri husat i save ogenaisim ol spot. Long lokal level, na tu long nesenel level.

Gavman bilong Papua Niugini i tok pinis olsem dispela yia em yia bilong implementesen, (Year of Implementation). Na olgeta provinsal spot opis insait long wan wan provins i mas gat gutpela plen long lukaut na kamapim ol spot ektiviti bilong dispela yia.

Wanpela samting we mi lukim i no stret, em olsem, planti provins insait long Papua Niugini i no gat provinsal spot kalenda, tasol ol i gat inap mani long kamapim ol plen na kamapim ol wok bilong ol spot.

I tru olsem sampela provinsal edministresen bai i tok olsem spot i no namba wan samting, tasol sapos yu lukluk gut long hap bilong komyuniti developmen, bai yu lukim olsem spot i ken stretim sindaun insait long ol komyuniti.

Ol provins i mas lukim spot olsem wanpela gutpela samting we i ken kamapim developmen long eria bilong ol.

Sapos ol provinsal spot opis i gat gutpela plen, olgeta samting bai i kamap gut, na spot bai i mekim gutpela wok insait long ol komyuniti.

Ol provinsal spot opis tu i no ken wok ol yet, na ol i mas traim long wok bung wantaim Papua Niugini Spots Faundes.

Anit long wanpela lo bilong Palamen, PNG Spots Faundes i mas oltaim wok bung wantaim ol provinsal spot opis long lukim olsem ol spot developmen program i ran gut.

Sapos ol provinsal spot opis i bihainim gut dispela protokol, ol bai lukim olsem olgeta samting i kamap gut.

I no wok bilong ol provinsal spot opis tasol long wok bung wantaim Papua Niugini Spots Faundes. Em i wok tu bilong olgeta, na tu, ol lida na ol politisen bilong provins.

Papua Niugini Spots Faundes i gat ol rijonal opis long Pot Mosbi, Goroka, Lae na Kokopo. Na sapos ol provinsal opis i laik kamapim ol spot ektiviti long provins, ol i mas tok save long ol rijonal opis bilong Papua Niugini Spots Faundes.

## - Weekend softball dro -



### SEASON PROPER - ROUND TWO, GAME SIX

Saturday, 8th February 2014

TIME	TEAMS	TEAMS	GRADE	REMARKS
9:00 - 10:00				
10:00 - 11:00	ADMIRALTY/SISTERS	GAZELLE/WANTOKS	U/16	
11:00 - 12:15	CHEBU	ADMIRALTY	B	
12:15 - 13:30	GAZELLE	WOLVES	B	
13:30 - 14:45	CHEBU	ADMIRALTY	A	
14:45 - 16:00	GAZELLE	WOLVES	A	
BYE	BEARS A&B			
DIAMOND THREE				
TIME	TEAMS	TEAMS	GRADE	REMARKS
9:00 - 10:00				
10:00 - 11:00	BEARS/CHEBU/YOKOMO	STINGERZ WOLVES	U/16	
11:00 - 12:15	STINGERZ	YOKOMO	B	
12:15 - 13:30	WANTOKS	UNITED SISTERS	B	
13:30 - 14:45	STINGERZ	YOKOMO	A	
14:45 - 16:00	WANTOKS	UNITED SISTERS	A	
BYE	BEARS A&B			

# Wol spot poto



Pilaia bilong Denver, Demaryius Thomas (88) i kisim bikpela bagarap long Seattle difens taim bikpela Seahawk Supa Bowl lig i kamap long Nu Jesi, Amerika.

Sasa Ognenovski joinim Sydney Futbol Klap long strongim Wol Kap seleksen sans. Sydney FC i sainim Socceroo difenda Sasa Ognenovski inap long dispela sisen i pinis. Sky Blue i tokaut long dispela nupela dil long Tunde maski long ol kain kain toktok i kamap.



### Nesenal Kepitol Distrik Komisen

# Buai Tambu Hot lain

Nesenal Kepitol Distrik Komisen i singaut long ol pablik long tok-save long NCD sapos ol i lukim sampela lain i wok long salim buai long pablik ples na ol praivet ples insait long siti o stori bilong ol lain i save hait-im buai na kisim i kam insait long siti.



Plis ringim dispela 24 aua Buai Tambu Tolfri Hot lain **72061111** long kotim ol lain husat i brukim lo bilong tambu long buai.

### Olgeta toktok yu mekim bai i stap hait tasol

NCDC i laikim wanbel na helpim bilong yu long strongim tambu bilong salim buai long siti bilong yumi.

NCDC i stap long kamapim klin, helti na naispela Pot Mosbi, siti bilong yumi, na ples bilong yumi.

Authorised by

**LESLIE ALU**  
Acting City Manager



Boksa bilong Australia, Alex Leapai long wangepa pres konprens bilong wol taitel pait wantaim Vladimir Klitschko. Tupela bai pait long wol heviweit taitel long Epril dispela yia. Hia em i sanap long kisim poto bilong em long soim strong bilong em.



Faiv-taim olimpik gol medalis bilong Australia long swim, Ian Thorpe i stap nau long haus sik long sik dipresen na kisim tritmen, menesa James Erskine i tok. Thorpe m i kisim planti entidipresen marasin na pen kila marasin i kamapim dispela hevi long em na em i nau stap long haus sik. Menesa i tok, em i painimaut taim em i bungim lan long strit bilong Sydney klostu long haus bilong papamama bilong em.



# OI spot eksen poto long wiken...

**SALIM KAM:** NBC gol suta i redi long kisim bal taim golkipa bilong Works i putim was long gren fainal pilai bilong ol long Pablik Sevan Netbal resis. Works i winim dispela pilai.

*OI Poto Nicky Bernard.*



Senta bilong Aussie Hai Kom i redi tasol long pasim bal taim gol atek bilong Detac i putim was long Praivet Kampani Netbal semi fainal.



**HANTA EM MIPELA YA:** OI liklik sapota bilong PNG Hanta husat i kisim trening wantaim long wiken. OI dispela yangpela i kisim wan wan bal kam long PNGNRL taim ol pinis trening.



**AI SORI:** Beta bilong Gazelle i taitim bun stret long paitim bal taim ol bungim Eagles long A gret pilai bilong ol man long Pot Mosbi.

Wolves, spit meri i mekim wanpela stail long paitim bal long Pot Mosbi Sofbal pilai bilong ol meri.



Wolves stail ketsa bilong ol meri soim stail long ketsim bal.





*Moa oil na meat insait*

**TUNA IN OIL**

# Gavman i sapotim ol PNG Hanta

Isaac Liri i raitim

**Sarere long Bomana olsem gavman i sapotim ol PNG Hanta.**

Mista Tkatchenko i tok nau taim Papua Niugini i gat wanpela tim insait long In-trast Supa Kap, em bai i strongim ragbi lig insait long

kantri, long wanem, em i bin wanpela rot yumi no bin gat, tasol nau yumi gat.

Mista Tkatchenko i bin bungim ol pilaia bilong PNG Hanta na toktok long ol, na em i bin amamas tru long lukim olsem ol pilaia i fit na

strong.

"Taim yupela i go insait long fil, no ken givim sans long ol arapela tim, pilai strong na salim sampela i go long haus sik," Mista Tkatchenko i tok pilai taim em i toktok long ol PNG

Hanta.

"Yupela i karim nem bilong kantri taim yupela i ran go insait long fil, na yupela i mas pilim amamas long dispela na mekim olgeta pipel bilong Papua Niugini tu i amamas," Mista Tkatchenko i tok.

Minista Tkatchenko i save olsem Papua Niugini i gat planti gutpela pilaia, na em i bilip olsem ol PNG Hanta i ken opim ai bilong ol Australia.

Gavana bilong Nesenel Kapital Distrik (NCD) Powes Parkop i sapotim Minista Tkatchenko taim em i tok In-trast Supa Kap i wanpela rot bilong PNG long putim wanpela tim long NRL long Australia.

"Dispela em sans bilong yumi nau, na yumi mas soim trupela kala bilong yumi long spot we yumi save kolim nesenel spot bilong yumi," Gavana Parkop i tok.

Minista bilong Spot, Justin Tkatchenko na Gavana Powes Parkop i toktok wantaim kepten bilong ol PNG Hanta Mark Mexico.



**MRDC sapotim Hanta**

**- Pes 25**

**Wol spot poto**

**- Pes 26**

**Ol spot poto**



**- Pes 27**



# PMV

DIESEL OIL



**BOROKO MOTORS**

PORT MORESBY	☎ 325 5255
LAE	☎ 472 1144
MT HAGEN	☎ 542 1933
TABUBIL	☎ 649 9048
KIMBE	☎ 983 5035
MADANG	☎ 422 2659
KOKOPO	☎ 982 8193
GOROKA	☎ 532 3552

Email: info@borokomotors.com.pg  
Website: www.boroko-motors.com

## PMV OIL BILONG YUMI